

12842-12843

with
891-99

D-23

891.542-3

8-

Դ Ժ Ո Խ Ք


(Բ Ա Ր Ո Յ Ա Կ Ա Ն)



Բ-ՐԴ ՀԱՏՈՐ, ՄԱՍՆ Բ-ՐԴ

Յովսէփ Ժանիկեան

Հեատողութեամբ Միլտոնի:



Թ Ի Յ Լ Ի Ս

Տպարան Մ. Վարդանեանցի

Типографія М. ВАРТАНЯНЦА, Вельям. ул. д. № 7.

1900

1008
59069

2924

Գ Ս Ո Փ Բ

(ԿՄՄՍՅՈՂՈՂ)

ԳԴ-Ղ ԵՍՄՍ ԴՈՅԵ ԳԴ-Ղ

Дозволено Цензурою. С.-Петербургъ 26 Февр. 1900 г.

ԳՄՈՍԿԻՍ ԳՄՈՍԿԻՍ

2001
2005

Ս Գ Լ Բ Ի Գ

Գրքերի Մ. Վարդանյանի
Էմբոսիան Մ. Վարդանյանի
1900

տե՛ս Գ» ԺՅ Զով միջոցի գրեման լուծի
գլ գրեմանը մ զմի գ սն զ-«տախալ»
գրեմանը ինչո՞ւ չե՞ս զ-«տախալ» «տախալ»
միջոցով զման գրեմանը զման զման
մ լուծի մեար զի ճարտարագիտ. մեար

Յ Ա Ռ Ա Ջ Ա Բ Ա Ն

Ներկայ գրքուկիս մէջ «Ծերուկ»-ի և «Հարսնուկի պատմութիւնները այլոցմէ լսած եմ». դժոխքի պատմութեան սկիզբները ըստ մասին Մելտովնի «Դրախտ կորուսեալ»-էն և ս. գրքերէ քաղուած, իսկ մնացեալները երևակայութեան արդիւնք են:

Թէ ի՞նչ էին երկրորդ հատորի Ա. և Ք. մասերուն սլարոնակութիւնը.—եթէ հանգամանքները ներեն, գրքուկիս վերջը իբրև ծանօթութիւն պիտի գրեմ.

Յանկալի էր ինձ որ ներկայս արևելեան հայոց, այստեղի բարբառով, գրէի, բայց խորհնլով թէ առ այդ կատարելապէս չը պիտի կարողանայի յաջողիլ, իմ վարժուած արևմտեան հայոց բարբառով գրեցի:

Չայս ևս ըսեմ, թէ Ա. «Դժոխք»-էն

կայանալ նախ, թէ Մողոքին: Ես չը գիտեմ ձեր կարգն ու կանոնները, ըսի, սակայն աւելի կը փափաքէի հռչակուած իշխանին, Բելիարին ներկայանալ: Եւ մեր շոգեկառքը սկսաւ արշաւասոյր ընթանալ: Իշխանաց երկրին մէջ էինք. ինչ հոյակապ շինուած եր, ինչ չքեղ տեսարաններ կը յաջորդէին միմեանց: Վեջապէս հասանք Բելիարին ապարանքը, և վեր ելնելով ներկայացանք իշխանին: Սկսաւ նա սիրալիւր կերպով հարց ու փորձ ընել՝ մեր նպատակին և մեր տեսածներուն վրայ, գովեց իմ հետաքրքրութիւն և խոստացաւ որ երբ վերադառնամ յաշխարհ, զանազան բարիքներով պիտի վարձատրէ: Նա այնչափ քաղցր կը խօսէր, որ կ'ըսէի ինքնիրենս. ափսոս չէ, որ այսպիսի քաղցրաբարոյ իշխան մը այս տեղեր ընկել է, բայց իսկոյն միտքս ընկաւ նորա համար դրուածները *) և փոխեցի իմ նպատաւոր

*) Յարեաւ ապա յայնմ կաշմանէ Բելիար յաւէտ իմն շնորհագեղ և բարեհամբոյր ի ցոյցս, թուէր իմն կարգեալ յաստիճան պատուոյ և յերեւելի գործս, բայց բովանդակն էր ստութիւն, և պատիր խաբէութիւն: Սակայն բերան նորա բղխէր մանանայ .. ճարտար էր ի մոլութեան անդ, բայց վատ և յոյլ յազնուական արարս:

(«Իրախտ կորուսեալ» 65—66)

Նաև «Բելիար, քան զոր գարչագոյն հողի և գակա-

կարծիքը: Միևնոյն յարգանքով մեզ ճամբու դրաւ, և մենք կառք նստելով զնացինք Մողոք իշխանին ապարանքը: Ներկայացանք, և նա՝ սակաւ ինչ հարցուփորձէ յետոյ, սկսաւ պատմել հին դարերու մէջ իր վայելած մեծ փառքը, հազարաւոր անմեղ մանկունքը, զորս կը գոհէին իրեն: Նա գոռոզ, ամբարտաւան և բարձրելոյն զէմ անհաշտ հակառակորդ, չէր ուզեր ինձ յայտնել երկնից մէջ իր ունեցած բարձր դիրքը, իրենց պարտութիւնը ու երկնային լուսէն զըրկուիլը: Մեկնեցանք նորա ապարանքէն ևս:

Մեծ հետաքրքրութիւն ունէի հարստութեանց իշխանը, Մամոնայի տեսնել: Ուղեկիցքս պատուիրեցին կառապանին և ուղղուեցանք այն կողմ: Անցանք բազում երկիրներէ և բազմաթիւ ապարաններէ և հասանք Մամոնին *) ապարանքին մօտերը: Դիտեցի շուրջս, զօրանոյններու պէս քարուկիր, մեծամեծ շէնքեր կային, որոնց դուռ-

տեալ գլխի մալութեանց ոչ անկաւ երբէք յերկնից, և այն.
(«Իրախտ կորուս.» գիրք բ. 46)

*) Մամոն յաւէտ երկրաքարչ քան զամենայն հոգիս որք անկան յերկնից: Քանդի և յերկինս անդ աչք նորա և միտք միշտ խոնարհեալ կային, ոչուցեալ յաւէտ ընդ հարստութիւն ոսկեկուռ յատակի երկնից, քան զմայլեալ ընդ Աստուածային ինչ և սուրբ յերանական տեսութեանն:

(«Իրախտ կորուս.» թ. 51):

ներուն վրայ փորագրուած էին «Արծաթ՝ թիւ 1», միւսին վրայ «արծաթ՝ թիւ 2», և այս թիւեր հարիւրաւորներու կը հասնէին: Երբ ինքնիրենս կը զարմանայի այդ արծաթի մեծ հարստութեան վրայ, ընկերներս յիշեցուցին թէ՛ պահասկոյ գանձատունները: Ոչն կողմ նայեցայ, որ ասոնք ևս քովէ քով շարուած են և, «արծաթ»-ին պէս, գուռներուն վրայ գրուած էին «ոսկի թ. 1, թ. 100, թ. 500» և այլն: Կը խորհէի թէ աշխարհիս բոլոր ոսկիները եթէ հաւաքուին և ի մի ձուլուին, չին կարող այդ անհղին գանձարաններուն միայն մի բանին լիցունել: «Ի՞նչ կը զարմանաս, ըսաւ հաղարապետը. ասոնցմէ յետոյ զեռ նոր պիտի գան յակինթներու, զմրուխտներու, ադամանդներու, թանկագին գոհարներու և զանագան հագուազիւտ նիւթերու ամրակառոյց գանձարանները, որոնք իշխանին ասպարանքին մօտերը շարուած են:

Հասանք ասպարանքը, երբ սանդուխներէն վեր կը բարձրանայինք, կ'ըսէի մտքովս, թէ այսչափ հարստութեան տէր իշխանի մը բնակարանն արդեօք սրչափ շքեղ, սրչափ գոհարներով զարդարուած է: Բայց երբ վեր ելանք, տեսայ որ սխալուած եմ եղել. իշխանին բնակարանն ու կահ կարասիքը միւս իշխաններուն ասպարանքներէն ու կահ կարասիներէն վար էր, վեր չէր:

Իշխանին ներկայացուցին զիս: Նա, երեսը դեղնած, աչքերը փոսը ընկած, նիհար ու տոկոյ, բոլորովին անհամակրելի մարդ մը էր: Նողկանքս աւելի սաստկացաւ, երբ նա մի քանի խօսքերէ յետոյ ըսաւ, «Ո՛վ այցելու, ոսկի կամ արծաթ սրչափ ընծայ բերիր վերին աշխարհէն»: Զփոթեցայ և զայրոյթէս չը զիտէի թէ ինչ պատասխանէի այն պծուծ մարդուն, որ, անբաւ հարստութեան տէր ըլլալով հանդերձ, հետաքրքիր այցելու է մը քանի մը ոսկի ընծայ ստանալու ակնկալութիւնն ունէր: Թէպէտ իմացած էի, թէ նա սարսափելի ազահ մարդ մը է, բայց այս աստիճան ընչասէր չէի կարծեր: «Տէր իշխան, ըսի, Ձեր սովորութիւններուն անտեղեակ էի, և բան մը չեմ բերած, խնդրեմ, ներեցէք»: «Չէ. պատասխանեց նա, չէ կարելի Մամմոնին ներկայանալ առանց որ և իցէ ընծայի. բայց որովհետև դուն առաջին անգամն է որ կ'այցելես ինձ, կը ներեմ քեզ, պայմանաւ որ աշխարհային մարգոց խօսիս զայս»:

Իշխանը յետոյ սկսաւ հարցնել թէ ինչպէս է այժմ «Ծերուկը»: Չեմ ճանաչեր ըսի: Ինչո՞ւ, չը զիտէս այն ծերուկը որ իմ առջև մոմ վառեց և ծիծաղելի վարձատրութիւն մը ունեցաւ: Խնդրեմ, եթէ կարելի է, պատմեցէք, ըսի: «Ուրեմն խօսիմ», ըսաւ և սկսաւ պատմել:

«Ժամանակաւ, հարստութիւնը կորուսած մի վաճառական եկեղեցի կը յաճախէր և իր գործերուն յաջողութեանն համար Յիսուսի կամ սուրբի մը առջև մոմ կը վառէր: Երկար ժամանակ կը շարունակէր այդ սովորութիւնը, բայց իր վիճակ բարեփոխութիւն մը երբէք կրած չէր:

«Հին ատենները, մարդիկ կրօնական պատկերներու մի անկիւնը երբեմն սատանայի պատկեր ալ կը նկարեն եղեր: Ծերուկը դայս տեսնելով մտքովը կ'ըսէ. «Այսչափ ժամանակ այս ինչ սուրբին առջև մոմ վառեցի, խնդրեցի, աղաչեցի, օգուտ մը չի տեսայ, անդամ մնլ սատանային առջև մոմ վառիմ, տեսնեմ ինչպէս կ'ըլլայ: Մոմը կը վառէ, սովորական խնդիրքը կ'ընէ և տուն կ'երթայ:

«Անհատական սատանան այս անսովոր գործը տեսածին պէս լուր տուած է նոյն կողմի պետին, և նա իսկոյն մեզ հազորդեց և հրահանգ խնդրեց: Մեր մեծ իշխանը այս դէպքին համար ժողովի հրաւիրեց մեզ, և սկսանք խորհրդակցել: Ես կ'ըսէի թէ որովհետև այդ բարի ծերուկը սուրբերէն յուսահատելով մեզ գիմած է, պէտք է վարձատրենք, որպէս զի թէ ինքն իր նորածին հաւատքին մէջ հաստատուի ու քաջալերուի, և թէ այլոց ալ բարի օրինակ ըլլայ: Միւս իշխանները սակայն այնպէս չէին խորհէր, անոնք

կ'ըսէին թէ նա ոչ թէ հաւատքով, այլ փորձի համար մեզ գիմած է. երկրորդ, զիտնալ պէտք է թէ ինչ է իր նպատակը: Վաճառականը, իր վիճակը լաւացունելով, կ'ուզէ որ իր մնացած օրերը կերուխումով, զուարճութիւններով անցունէ, թէ ինքն պարզ ապրուստ մ'ունենալու և աղքատներուն ևս օգնելու նպատակաւ է: Թեր ու դէմ կարծիքներէն ու ջերմ վիճաբանութիւններէն յետոյ, մեծ իշխանը հրամայեց ծերուկին անձնական սատանայէն տեղեկութիւն պահանջել: Հեռագիր տրուեցաւ, և քանի մը վայրկեան յետոյ պատասխան առնուեցաւ թէ՛ «Նորա նպատակը՝ իր հարստութեան համեմատութեամբ՝ թէ ինքն համեստ կեանք մը վարել, և թէ բարեգործական հաստատութիւններ հիմնել կամ անոնց օգնել է»: Սաղայէլը, որ կը նախագահէր ժողովին, վիճաբանութիւնները բաւական համարելով, յայտնեց իր կարծիքը թէ՛ «Չէ կարելի այսպէս անուղղակի կերպով հիւանդանոցներու, ուսումնարաններու, արհեստանոցներու և այլ այսպիսի բարեուպատակ հաստատութիւններու կառուցման նպաստել»: Միւս իշխանները, ես ևս համոզուեցանք և միաձայն հաւանութեամբ վճուուեցաւ պատրել այդ մարդը, և ըստ այնմ հեռագիր տրուեցաւ:

«Նոյն գիշերը ծերուկը երազին մէջ կը տես-

նէ սատանան, որ մօտենալով իրեն կըսէ. «Ո՞վ բարի ծերունի, բիւրաւոր մարդիկ սուրբերուն առջև մոմ կը վառեն և անկէջ բարիք կը խընդրեն. որուն խնդրուածքը կը կատարուի, որուն՝ ոչ. դու միայն ես, որ զիս ճանչցար ու յարգեցիր, ուրեմն հետեւէ, ինձի և ես պիտի վարձատրեմ քեզ» ըսելով, կը տանի զայն ընդարձակ գանձատուն մի, ուր լիքն էին ոսկի. գոհար և այլ թանկագին նիւթեր. «Ահա, կ'ըսէր սատանան, ա՛ռ, որչափ որ կամիս»: Մարդը ազահօրէն կըսկսի ծոցերն ու գրպանները լեցունել. յետոյ քղացքները վեր կառնու, և դողաւորելով ու ձախ ձեռքովը վեր բռնելով, աջ ձեռքովը կը լեցունէ. այնպէս որ ա՛լ պարսպ տեղ չի մնար».

«Ծերուկը թանկագին մետաղներով ծանրաբեռնուած, կը դիմէ դէպ ի դուռը: Գանձարանին պահապանը, որ դրան առջև նստած է եղեր, «Ադոնք ո՛ւր կը տանիս, չէ կարելի», ըսելով կը արգելէ: Ծերուկը երեսը դէպ ի ներս դարձունելով կը կանչէ սատանային. — «Պահապանը թող չի տար. հասիր».

— Մտիկ մ'ըներ անոր խօսքերուն:

— Բայց չի թողուր:

Քանի որ քղանցներդ (փեշ.) վեր ժողված ես, ապականէ վրան և անցիր գնա:

«Այդպէս կ'ընէ խեղճը և այդ պահուն կը

զարթնու: Հանդերձներն ու անկողինը ապականուած էին. գարշահոտութիւնը տարածուած էր սենեկին մէջ: Կինը կը զարթեցնէ, որ կը հարցունէ թէ «Ի՞նչ եղաւ քեզի, մարդ. ծերուկը կը պատմէ ամեն ինչ, որուն կը պատասխանէ կինն թէ՛ «Բոլոր աշխարհ Յիսուսին առջև մոմ կը վառեն, դուն ալ սատանային մոմ վառեցիր, պէտք է քեզի. սատանային առջև մոմ վառողին վիճակը (հալը) այդ է»:

Այս պատմութենէն յետոյ Մամմոնին սենեկէն և ասլարանքէն ևս մեկնեցանք:

Հարցան ուղեկիցքս թէ կամիմ միւս իշխաններուն ևս այցելել. ո՛չ, ըսի, այս մի քանի այցելութեամբ հասկացայ զժոխային իշխանները, զնանք, զնանք:



2.

ՍԱՏԱՆԱՅԱԿԱՆ ԴԱՍԵՎԱՐԳԵՐԸ

Մենք պիտի դնայինք կեղրոնական պաշտօնատունը և անկէջ երթայինք զժոխային գունդերուն ընակավայրերը: Ուղեկիցքս ի նկատի

ունենալով տեղւոյն հեռաւորութիւնը, օղապարիկ մը բերել տուին, և անով մեկնեցանք դէպի կեղրոնը:

Անցանք հազարաւոր մզոններով և նոյն օրն իսկ հասանք դժոխոց կեղրոնավայրը: Կառավարիչը կը հսկէր հեռագրատան, տանջանարաններուն, աշխարհէն եկողներուն և այլ դժոխային հաստատութեանց վրայ: Հասկացուցանք մեր նպատակը և պատրաստուեցանք փութով մեկնիլ, վերադարձին թողլով նոյն հաստատութիւնները այցելել:

Նոյն պահուն աշխարհէն եկող շողեկառքին սուլումը լսուեցաւ, փութացի կայարանը, ամեն երկրէ և ամեն կրօնէ մարդիկ կային. դիմագծերէն ենթադրելով հարցայ մի քանիին թէ՛ ձեր անդիի եղբայրներուն մէջ մեղաւորներ չի կան — ինչո՞ւ չէ, պատասխանեց մէկը, բայց անոնք ըսած են թէ՛ «ինչ հարկ կայ տանջուելու համար մինչև դժոխք՝ զնալ, քանի որ մենք մեր բաժինը այստեղ կը կրենք»:

«Փութացինք մեր օղանաւը և հազարաւոր մզոններ ևս երթալէ յետոյ, հասանք «պոչաւոր»*)

*) Ադոր համար է արգեօք, որ ժողովուրդը պոչով սուտ կ'ըսէ, երբ խօսուած սուտը չափազանց կամ վարպետութեն հնարուած է, կամ սուտ մը որ չի ծածկուիր:

սատանաներու աշխարհը: Ինչպէս յիշած ենք, այս գունդերուն գորապետը մեր ուղեկից Հէզարֆէնտն էր, զոր տեսածնուն պէս ուրախացան:

Այս սատանաները ետենին մեյմէկ կանգուն պոչեր ունէին, որոնք ոլորուած էին դէպի կըրնակին:

Ի պատիւ մեզ, մեր առջև մի քանի խարէական փորձեր կատարեցին, որոց մէջ շատ յաջողակ էին:

Հէզարֆէնտը յայտնեց, թէ այս անգորդաշտին մէջ տեսնուած հարիւրաւոր շէնքերը, ուր լիքն են «պոչաւոր»ներով, իր գունդերուն մի փոքր մասն կը կազմեն, իսկ մեծագոյն մասը, որ պահեստի են, դէպի աջակողմն ու ձախակողմը գտնուած իրենց տեղերուն մէջ կը բնակին:

Ճորհակալութիւն յայտնելով, դուրս ելանք ատկէց ևս. և մեր օղապարիկ նստելով բարձրացանք, հեռացանք պոչաւորներու աշխարհէն:

Մեր օղաչու նաւը երկար ժամանակ երթալէ յետոյ, կանգ առաւ «Նոյնաւոր» սատանաներու կեղրոնական բնակարանին վրայ: Վար իջանք նաւէն և ուղղուեցանք դէպի անոնց պաշտօնավայրը:

Նոյնաւորները ի մասին ճարպիկութեան թէ և պոչաւորներուն չափ յաջողակ չէին, բայց

սորա ալ ջարդելու, կոտորելու: քանդելու, հրդեհելու և այլ այսպիսի աւերումներ զործելու մէջ սատանաներուն ամենէն ճարպիկն ու կատաղիներն էին: Ենոնց գլխաւորը «Դահիճ» կոչուած զօրապետն էր:

Քանի կը մօտենայինք անոնց բնակարանին, ներսէն ահուելի, խառնաշփոթ ձայներ, աղաղակներ կը լսէինք: Ներս մտանք ընդարձակ գաւիթ մը. նորա մէկ սրահին մէջ խումբ մը եղջերաւորներ պար բոլորած՝ ցատկելով ու ցատկուտելով՝ հրճուանօք հեակեալը կ'երգէին

1.

Մեզի պէտք չեն բնաւ ո՛չ լոյս, ո՛չ երկինք,
և ո՛չ օրհներգ իբրև անմեղ հրեշտակք:
Լաւ է դժոխքն, լաւ է խաւարն ուր երգենք,
Յատկենք, պարենք, և անթիւ լուտանք,
յիշոց տանք:

Կեցցէ յաւէրժ Սաղայէլը, մեր արքայն,
կեցցեն յաւէտ անդնդայինք մեր համայն:

2.

Հեռու մեզմէ ազնուութիւն, գթութիւն.
Հեռու, հեռու, լինել անկեղծ և արդար:
Մեզի պէտք են զնդակ, հրացան, վառօդ, թոյն,
Ամենուրեք սփռենք. ջարդինք անդադար:

Կեցցէ յաւէրժ, և այլն:

3.

1009
5900

Թող տանջուին մարդիկ, կրնն շարունակ
Վիշտ, տառապանք, ժանտախտ, սով, սուր,
կոտորած:
Թշուառութիւն, արկածք, այէտք, և՛ աւերակ
Թող չը պակսին մինչև ցօրն կատարած:

Կեցցէ յաւէրժ և այլն:

Երբ լսեցի այս դժոխային երգը, հարցայ
դահիճ զօրավարին թէ այս ինչ սարսափելի

խօսքեր էին, որ լսեցի: «Նապա ինչ կ'ուզէիր, պատասխանեց նա. միթէ ասոնցէ տարբեր խօսքեր կ'ակնկալէիր. չէ. այս երգածնին ո՛չ միայն մեր սիրած երգն է, այլ և Սաղայէլէն սկսեալ մեծ և փոքր բոլոր սանդարամետականաց անփոփոխելի դաւանութիւնն է»: Մենք կը մոլորեցնենք մարդիկը, և անոնց մէջ նախանձ, խէթ և ատելութիւն կը սերմանենք, հարստահարութիւններ և պատերազմներ յառաջ կը բերենք. երբեմն բնութիւնն ալ կ'օգնէ մեզ. սովեր, մահտարաժամներ կը պատահին: Մենք ասոնք կըրնենք, ո՛չ թէ ձեզի համար, այլ բարձրելոյն դէմ ունեցած մեր հակառակութեան և վրէժխնդրութեան զգացմանց յագուրդ տալու համար»:

Մեկնելու ժամանակը հասած ըլլալով, ատկէց ալ մեր «Մնաք բարեաւն» ըսանք: Մեր օգնաւով ուղղուեցանք դէպի այլ կողմ, «Դե»-ւերուն աշխարհը, ուր հասանք մէկ-երկու ժամէն:

Դեբըր նախընթաց սատանաներուն պէս չէին. ահազին հսկաներ էին, մենք ինչ էինք անոնց քով — թզուկներ: Տեսնելով այդ ահարկու խոժոռ դէմքերը, չէր կարելի աներկիւղ մնալ, բայց ուղեկիցքս զիս ապահովեցին թէ բնաւ վախնալու բան չի կայ. զի բոլոր գժոխայնոց պէտք եղած հրամանը զրկուած է արդէն:

Եթէ դեբու հասակները անհեթեթ էին, անոնց բնակարաններն ալ նոյն համեմատութեամբ շինուած էին, 15—20 մեթր բարձրութիւն և նոյն չափով լայնութիւն և երկայնութիւն ունէին: Սանդուխները, տախտակամածները, միջնորմերը, բոլորը երկաթեայ էին. զի անոնց ոյժին և ծանրութեան ներքև ամենէն թանձր տախտակներն իսկ չէին կարող դիմանալ:

Դեբուն «Դայլ» զօրապետը իմ մասին ուղեկիցներուս խօսած խօսքերէն սկսաւ տակաւ մեղմանալ, մինչև իսկ երբեմն կը ժպտէր: Նա առաջնորդեց մեզ դէպի զօրանոցին ներսերը: Առաջին շէնքը ուր ներս մտանք, ընդարձակ ամրոցի մը կը նմանէր: Դեբը աստ և անդ խումբ խումբ կանգնած՝ դիւական կատակներ կ'ընէին. խաղեր կը խաղային: Հրամանատարը չուզելով անոնց զրօսանքը խանդարել, դուրս ելաւ սրահներէն և երկաթեայ աթոռներ բերել տուաւ դուրսի գաւիթը, ուր նստանք:

Զօրապետին հրամանին վրայ խումբ մը դեբը դուրս ելան զօրանոցէն և բակը շարուեցան: Իերին նաև մի քանի տեսակ անասուններ, կապարեայ մեծ-մեծ գնդակներ, հաստ երկաթեայ ձողեր, սնտուկներ և այլ այսպիսի նիւթեր, որոնցմով ճարպիկութեան, ոյժի և այսահարկու փորձեր պիտի կատարէին:



Դեռ անոնց չը սկսած՝ դեերուն մէկը ելաւ կանգնեցաւ բակին մէջ տեղը. երկրորդ մը ելաւ անոր գլխուն վրայ ուղղաձիգ պառկեցաւ և սրբունքներն ու թևերը տարածելով, սկսաւ ջրադացի քարի պէս դառնալ: Նախ մեղմ էր դառնալը, բայց հետոհետէ անշափ արագացոյց, որ այլ ևս ոտքերն ու թևերը չէին երևար. կարծես թէ արագաշարժ ճախարակ մը էր որ կը դառնար:

Երբ դադարեցաւ դառնալէ և վար իջաւ գլխուն վերայէն, գորապետը իմ կարծիքն հարցուց: «Լաւ էր, ըսի. սակայն կարելի է որ մեր աճալարարներն ալ կարողանան այդպէս ընել:

Յետոյ, մի քանի գինուոր, իւրաքանչիւրը ձեռքերնին 100 քիլոկրամնոց 4 ական գնդակներ առած՝ սկսան մինչ 100 մեթր բարձր դէպի օդը վեր նետել. երբ գնդակին մէկը վար, ավին մէջ իջնէր, իսկոյն գայն վեր կը նետէր, միւս գնդակը կ'իջնէր, գայն ալ վեր կը նետէր. այնպէս որ միշտ երկու գնդակները օդին մէջ էին: Դարձեալ իմ կարծիքն հարցեւց «իբրաւ, ըսի, լաւ փորձ մը ըրին, բայց անհնար չէ, որ աշխարհի մէջ ալ այդ ընելու կարող ուժեղ մարդիկ գտնուին»:

Այս պատասխանին վրայ բակին մէջ տեղը երկաթեայ սիւն մը հաստատեցին, որ շուրջանակի օղակներ ունէր: Մի քանի դեեր, բազկի հաս-

տուժեամբ երկաթեայ ձողերը անցունելով այդ օղակներէն, սկսան ծռել, կլորցնել և շղթաներ հիւսել: Չարմացայ այդ անսովոր ոյժին վրայ:

Դո՛հ եղաւ գորապետը և հրամայեց այդ ընդարձակ բակին մէջ շրջանակ մը կազմել: Կատարուեցաւ հրամանը: Նա «անասուններ ներս բերէք» ըսաւ. և անա մի եզն, մի ձի, մի մաքի, մի խոզ, մի էշ և մի շուն այդ շրջանակին մէջ թող տուին: Չորապետին հրամանաւ, մի խումբ դեեր այդ կենդանիներուն փորերը մտան, որոնք այսահարեցան և սկսան քայլել և զանազան շարժումներ ընել: Սակաւ մի յետոյ սաստկացաւ տենդը. եզը, կը բառաչէր, ձին՝ կը խխնջար, շունը կը հաչէր ու կոռնար, միւսներն ալ իրենց ձայները կը խառնէին անոնց հետ: Ծիծաղաշարժ էր տեսարանը: Մէկ-երկու ըոպէ ալ այսպէս անցնելէն յետոյ կատաղութիւննին սաստկացաւ, եզը սկսաւ իր եղջիւրներովը հալածել միւսները, որոնք իրենք գիրենք կը պաշտպանէին խածնելով կամ կից արձակելով: Վերջապէս, գիրար հալածելէն ու կուռելէն ուժասպառ, փրփուրը բերաննին հետոհետէ ընկան տարածուեցան գետնին վրայ: Ծիծաղը դադրեցունելով խնդրեցի պետէն որ բաւական համարի այդ կենդանիներուն տանջանքը: «Ըրդէն ժամանակն եկած է» ըսաւ նա. հրամայեց և դեերը զուրս ելան: Խեղճերը քիչ

քիչ շունչ առին, աչքերնին բացին, ելան կանգնեցան և տարուեցան իրենց տեղերը:

Եյ, ինչ կ'սես, հարցուց զիւրապետը: Իրաւ որ ըսի, ծիծաղաշարժ էր: «Ահա այսպէս են մարդիկ, ըսաւ նա. ձին կը հեծնան, անով փայտ կը կրեն, եզնով կը հերկեն, կը սերմանեն, և յետոյ ալ մորթելով միսը կ'ուտեն, նոյնպէս միւս կենդանիները իրենց շահուն կը ծառայեցունին, բայց երբ ադոնք կը տանջուին, մարդիկ հանդիսատես միայն կ'լլան, կը զբօսնուն և կը ծիծաղին: Իրաւ, դուն սակաւ մի ծիծաղիլէ յետոյ զթուփին ունեցար, խնդրեցիր որ դադարեցունեմ ադոնց տանջանքը, բայց աշխարհի վրայ կան և մարդիկ որ ոչ թէ անբան կենդանեաց, այլ և իրենց եղբայրներուն կամ նմաններուն տանջանքները տեսնելով իսկ, անտարբեր կը գտնուին»: Չէի կարող հերքել նորա խօսքերը, ուստի և լռեցի:

Ջօրապետը, տեսնելով իր խօսքերուն տպաւորութիւր, շարունակեց. «Ասոնք կըխօսիմ անոր համար թէ՛ երբ մարդիկ տեսնեն, որ մենք կը այսահարենք, ու կը տանջենք գոմանս. չի մեղադրէք մեզ»: Ուղեկիցներուս մէկ ականարկին վրայ զիւրապետը յալելոց, «Ինչ և իցէ, թողունք այս նկատողութիւնները և ուրիշ գուարձալի խաղ մը ներկայացունեմ ձեզ»:

Ջօրապետին հրամանաւ խումբ մը դներ եկան շարուեցան բակին մէջ: «Մ'երևաք աչքիս», ըսաւ, և տեսայ որ այդ խումբը աներևոյթ եղաւ, ուր գնացին և ինչպէս եղաւ.— չը գիտեմ: Վայրկեան մը յետոյ, «Եկէք» ըսաւ, և տեսայ որ նոյն խումբը երևան ելաւ: Աներևոյթ ըլլալու խաղմը առաջին անգամ ուղևորութեանս ժամանակ տեսած ըլլալով, չի գարմացայ:

Մեր կարողութիւններուն մի տեսակն ալ ներկայացունեմ, ըսաւ զօրապետը, և վերջացունեմ:

Տուփ մը և խումբ մը դներ բերէք ըսաւ և իսկոյն բերին: «Ա՛ռ, նայէ տուփը» ըսաւ. տախտակեայ փոքր տուփ մը էր. ձեռքովս չորս կողմերը քննեցի, գննեցի և դետիւր դրի: Հրամայեց դներուն որ կարգաւ այդ տուփին մէջ մտնելով աներևոյթ կ'ըլլային: Երբ ամբողջ խումբը վերջացաւ, դարձեալ «Ա՛ռ, նայէ» ըսաւ: Ի՞նչ տեսնեմ, — գարմանալի բան, տուփին յատակը կորեակով լեցուած էր: Կը կամիս, ըսաւ, որ նորէն կենդանանան», այո՛, այո՛, ըսի: «Ուրեմն, ընկերներ, դուրս ելէք» ըսաւ: Մէկ մ' ալ տեսայ, որ կորեակ դները մէկիկ մէկիկ դուրս ելան և իրենց նախկին տեղերը շարուեցան: Առի նայեցայ տուփը, մէջը բան մը մնացած չէր: Հասկացայ որ այս ալ կերպարանափոխութեան փորձն

էր, որ ամեն կարգի սատանաներն ևս ունին:

Հէգար-Ֆէնտը յիշեցոյց թէ՛ արդեօք ժամանակ չէ՛ մեկնելու: Ելայ կանգնեցայ և շնորհակալութիւն յայտնելով դիւապետին, դուրս ելանք զօրանոցէն:

Մեր օղանաւը սրարչաւ յառաջ կ'ընթանար: 2ը զիտէի թէ ռը կողմ կ'երթայինք, զի խաւարին թագաւորութեան մէջ ո՛չ արև կար, ո՛չ լուսին, ո՛չ արևելք կար և ո՛չ արևմուտք: Մ'թութեան մէջ հազարաւոր մզոն հեռաւորութիւններ և «կազ» սատանաներուն երկիրն ևս անցնելէ յետոյ, հասանք վերջապէս Աղեկնաքներու (յաւերժահարսներու)*) աշխարհը: Ասոնք կանացի

(Ծանօթ.) *) «Իրախտ կորուս » երես 327, լերանց, գետոց. ևս չաստուածուհի յաւերժահարսուները, և ըստ առ ձեռն բառարանի «Քանգ մեզ աղեկները (Աղեկնաք) նոյն են, զի Հ. Ղ. Ալիշան ալ «Հին հաւատք հայոց» (տպ. 1895) գրքին երես 206-ին մէջ կը գրէ. «Քիչ քիչ յաւերժահարսուներ այլ խաբեբոյից և չարաց հետ դասաւորին» և այլն: Ուստի և մեր ներկայ գրուածոյս մէջ «յաւերժահարսը» և «աղեկնաքը» իբրև մէկնոյնն գրեցի: (Ըստ Մ. Աբիկեան տձկ. հայ բառարանի, «Հուրի»-ն արաբ. սնաչուի, յաւերժահարս, իսկ «Փերի»-ն. պարսկ. գեղեցկապատկեր ոք: Խօսքի մէջ փերին է աղեկնաքը:

դէմքով հարսներ, աղջիկներ էին: Մեր անցած ճանապարհին վրայ ամենուրեք լիքն էին յաւերժահարսուներով, որոնք կերուխումով, պարելով, երգելով կը զուարճանային:

Յառաջ անցանք դէպի կեղրոնավայրը ուր էր աղեկնաքներու իշխանուհոյն «Աստղիկ»-ին հոյակապ պալատը: Վար իջանք օղանաւէն և դիմեցանք դէպի ապարանքը, որ ծաղկանոցներու մէջ շինուած՝ չքեղ, հիանալի շէնք մ' էր: Ապարանքին պատերը ո՛չ թէ սատանայից միւս դասակարգերուն բնակարաններուն պէս քարէ ու աղիւսէ շինուած էին, այլ ոսկւով և արծաթով: Իսկ սենեակները, մանաւանդ դիցուհոյն բնակած սենեակները բոլորն ալ ոսկեգօծեալ՝ թանկագին գոհարներով զարդարուած էին:

Սանդուխին գլուխը մեզ դիմաւորեց դիցուհին և առաջնորդեց դէպի իւր սենեակը, որոյ ոսկեգօծեալ ձեղունին ու պատերուն վրայ սիրահարական զանազան պատկերներ նկարուած էին: Սեղանին վրայ հազուադիւս ծաղկանց փունջեր շարուած, երկու անկիւնները, ոսկեղէն խրնկամաններու մէջ կնդրուկն ու հալուէն իրենց անուշահոտ ծուխերը կ'արձակէին:

Քաղաքավարական ձևակերպութիւնները կատարել է յետոյ, Հէգար-Ֆէնտը փութաց յայտնել

իշխանուհուն՝ մեր ուղևորութեան նպատակն ու Մեծ իշխանին հրամանները:

Սակաւ ինչ հանդստանալէ և այլ և այլ ըմպելիներով զովանալէ յետոյ, ցանկութիւն յայտնեցի զօրապետին որ մի քանի ժամ հանդստանալու համար դիցուհին թոյլտուութիւն շնորհէ: Հրամայեց իշխանուհին և սենեակ մը ցոյց տուին ինձ, նոյնպէս զարդարուն և մաքուր: Անդ մի քանի ժամ խոր քնոյ մէջ ընկղմեցայ, զի, այնչափ հեռաւոր ճանբորդութենէ և սրտայոյզ տեսարաններէ յետոյ, կարի յոգնած, դողրած էի:

Երբ արթնցայ, տեսայ որ ուղեկիցքս սենեկիս մի անկիւնը նստած կը հսկէին և ցած ձայնով կը խօսակցէին: Ես յոգնութիւնս բաւական առած, կազդուրուած էի: Իմացուցին զիցուհուն, որ զարձեալ ընդունեց մեզ իր ներկայութեան: Գեղեցկութեան, սիրոյ և տարփանաց վրայ ևս բաւական խօսելէ յետոյ, իմ փափաքիս համեմատ, ապարանքին մօտ գտնուած աղեկնաքներուն բնակարանները այցելեցինք:

Եթէ սոյն ուղևորութեան մէջ պոչաւորներուն, եղջերաւորներուն, գէներուն և այլ սատանաներուն տգեղ և այլանդակ դէմքերուն կը հանդիպէինք, այժմ, աղեկնաքներու աշխարհին մէջ, հիանալի գեղեցկութեան տէր հարսներ, աղջիկներ կը տեսնէինք. Աստղիկն սկսեալ բոլոր յա-

ւերժահարսունք զարդարուած, ոսկեճամուկ հանդերձներ էին հագած: Արդարև, կ'ըսէի մտքովս, ասոնք մեր լսած յաւերժահարսունքն են, որոնք կարող են իրենց գեղեցկութեամբ հրապուրել, մոլորեցնել ամենէն համեստ և ժուժկալ երիտասարդներն ևս: Երբ անձնական սատանան տարիներու ընթացքին մէջ չի կրնար խաբել իրեն յատկացեալ մարդը, որուն սիրտը կը բնակի, իբրև վերջին փորձ օգնութեան կը կանչէ յաւերժահարսանցմէ մէկը, որ յաճախ կը յաջողի:

Հասանք աղեկնաքներուն բնակարաններուն առջև, իւրաքանչիւրը իրենց յատուկ խցիկներն ունէին ճաշակաւ կահաւորուած ու զարդարուած:

Բացի մասնաւորաց սենեակներէն, կային նաև տասնէն աւելի ընդարձակ սրահներ, ուր որոշեալ օրերու և ժամերու մէջ հարսունք հաւաքուելով, կը խօսէին, կը ծիծաղէին, կ'երգէին, կը պարէին ու կը զուարճանային:

Այդ պահուն անոնց սովորական զբօսանաց ժամանակն էր. Աստղիկը սրահներուն դռնէն ցոյց կուտար մեզի ներսի հարսները, որոնց մի խումբը մեղեդիներ կ'ըսէին և մի խումբ կ'երգէին ու կը պարէին, բայց ոչ թէ եղջերաւորներուն պէս անշնորք կերպով ցատկուտելով, այլ մեղմիւ և շնորհալի շարժումներով:

Զրջագայութեան ժամանակ սրահին միոյն

մէջ յոյժ գեղանի հարս մի տեսայ: որ աթոռի մը վրայ ընկողմանած էր մտախոհ: Աստղիկը տեսնելով որ այդ գեղունին իմ ուշադրութիւնը գրաւեց, կեցիք, ըսաւ ուղեկցացս, ձեզի զուարճալի դէպք մը պատմել տամ»: Կանչեց այդ աղջիկը, որուն «Հարսնուկ» կ'ըսեն եղեր, և հինգս միասին գնացինք քովի պարտէզը: Թիկնաթոռներուն վրայ երեք ուղեւորներս շարուեցանք: Իշխանունհին մեզմէ քիչ հեռու գտնուած թիկնաթոռին վրայ նստելով, իր քով առաւ Հարսնուկը և զգուելով, շոյելով խնդրեց որ «վարդապետին պատմութիւնը» խօսի: Գեղեցիկ յաւերժահարսը ժպտելով սակաւ ինչ առարկելէ ու դիմադրելէ յետոյ, սկսաւ պատմել:

«Երկար տարիներ առաջ, ըսաւ Հարսնուկը, աշխարհի վրայ յաւերժահարսներու յատուկ պաշտօնը կը կատարէի. իմ պաշտօնավարութիւնն յոյժ արդիւնաբեր եղաւ, զի չը կար երիտասարդ մը որ իմ հրապոյրներուս դիմադրէր ցվերջ:

«Մինչդեռ սոյն յաջողութիւններուս վրայ հպարտացած էի, լսեցի որ մօտակայ վանքի մը մէջ վարդապետ մը կայ, որուն մինչև այն ատեն չեն կարողացած մօտենալ: Ինձի դիմեցին, խընդրեցին և ես սկսայ թակարդը լարել: Իմացայ որ վանահայրը երբեմն քաղաք կ'ուղարկէր այդ վանականը ինչ ինչ պիտուրներ գնելու: Գնացի

ճանապարհին վրայ աղբիւրի մը մօտ մի քանի օրեր սպասեցի: Վերջապէս օր մի տեսայ, որ ջորի մը հեծած՝ անդիէն կուգար: Սկսայ վրաս գլուխս շտկել: Երբ աղբիւրին առջևէն պիտի անցնէր, ձեռքս գտնուած գաւաթովը ջուր առնելով հրամցուցի. «չոգ է. ան, խմէ որ զովանաս» ըսելով: Ես կը կարծէի թէ նա զիս և իմ սև աչքերը տեսածին պէս շնորհակալութեամբ պիտի ընդունի ջուրը. բայց այնպէս. չեղաւ խիստ դէմքով մը «Չեմ ուզեր» ըսաւ. մտրակեց ջորին և դնաց: Իմ արժանապատուութիւնը վիրաւորուած համարելով, սիրտս նեղացաւ, բայց նոյն պահուն ինչ կրնայի ընել: Խորհեցայ ուրիշ հրեարքով մը այդ բիրդ մարդը կարգի բերել: Ուրիշ օր մը հանդերձներս ու գլխարկս փոխած՝ զարձեալ գնացի նոյն ճանրուն վրայ սպասեցի: Քանի մը օր յետոյ ջորին հեծած՝ եկաւ: Երբ մօտեցաւ. «խնդրեմ, ըսի, յոգնած եմ. ես ալ միասին նստիմ ջորիին վրայ, և միասին քաղաք երթանք: «Խոժոռ դէմքով մը «Ո՛չ, չըլլար» պատասխանեց և աչքին ծայրովը իս նայելով սկսաւ մըմնջել. «Չոր սատանայ, վար հալածիս»: Ես որչափ որ կ'աղաչէի և կը կանչէի թէ՛ «Սպասէ, հայր սուրբ, մի բան պիտի ըսեմ, նա այնքան աւելի արագ կը քշէր ջորին: չնուցաւ. և ես կը կատոյէի այս անյաջողութեան վրայ: Չէ, վար-

դապետ, ըսի ինքնիրենս, դուն չես կարող ազատիլ իմ ձեռքէն»: Երգում ըրի որ այս նախատինքին վրէժը լուծեմ: Նոյն կողմերը շրջագայող կաղ սատանային մէկին յանձնարարեցի գնալ վանքը և այդ անտաշ մարդուն վրայ տեղեկութիւններ բերել ինձ: Նա կերպարանափոխ լինելով վանքը գնաց և քանի մ'օր լրտեսելէ յետոյ լուր բերաւ թէ վարդապետը այս ինչ օր, այս ինչ գիւղը պտղի ժողովելու պիտի երթայ, և սովորաբար գիւղին մէջ այս ինչին տանը կըօթեանի: Գիւղացի կնոջ հագուստով նոյն գիւղը գնացի և նոյն մարդուն կնոջը իբրև ծանօթ՝ նոյն տունը հիւր եղայ: Մէկ-երկու օր յետոյ վարդապետն ալ եկաւ այնտեղ. և նոյն տան մէջ սենեակի գրացի էինք: Առաջին օրը, կերակուրին ժամանակ սպասաւորութիւն կ'ընէի սեղանին, և յետոյ ալ ձեռներուն ջուր կը լեցունէի լուացուելու: Աչքերս վեր չէի առներ. բնաւ չէի խօսէր հետը և չէի ծիծաղեր. աշխարհին ամենապարկեշտ կիինն էի դարձած: Իրաւ հագուստս գիւղացիի էր, բայց իմ դէմքին ու մազերուն գեղեցկութիւնը և վարմունքիս պարզութիւնը լաւ ազդեցութիւն արին: Երկրորդ օրը կերակուրէն յետոյ հարցուց տան տիրոջը թէ՛ «Ո՞վ է այս կինը». — «Նորեկ հիւր մը» ց պատաստանեց, «որ պատիւ ձեր կարգին, Ձեզի սպասաւորութիւն կը

ընէ»: «Սնունն ինչ է». — «Հարսնուկ» է. ըսաւ: Տեսայ որ այդ յամառ մարդուն սիրտը շատ կակուղցած էր: Գեռ ցերեկ, ինչ պշտանք, ինչ կեղծաւորութիւն որ պէտք էր, բոլորը ի գործ դրի: Գիշերը նորա սենեակը գնացի և անկողինը մտայ մեղմիւ. Ո՞վ է, հարցուց ցած ձայնով. — Ես եմ, հարսնուկն եմ, պատասխանեցի. չի մերժեց այլ ևս, և յաղթուեցաւ: Երբ աստղեան տաճարէն դուրս ելանք, ես իմ նախկին կերպարանքս մտայ, և կանթեղը վառելով ըսի. «Զիս ճանչցանք, վարդապետ». — Այո, դուն աղբիւրէն ջուր տուողը, և ճանքուն վրայ կանգնող կինը չես. — Ես սատանան եմ և անա այսպէս յաղթեցի քեզի: Ըսէ ինձի. վարդապետ ըլլալէդ իվեր այսպիսի որոգայթի հանդիպած ունէիր: — «Չէ. բայց դուն ալ քանի սատանայ էիր եղեր, ասանկ երիկ մարդու հանդիպած ունէիր»:

Պատմութեան միջոցին, մանաւանդ անյաջողութիւնը պատմած ժամանակ, հարսնուկը, այդ յոյժ զգայուն աղջիկը, երբեմն կը յուզուէր, կը զայրանար, և անի, քաշելով վարկեան մը կանգ կ'առնուր: Ես նորա յուզումը, շարժումները կը ծիծաղէի, իսկ ուղեկիցքս վանականին յամառութիւնը կը հեզնէին:

Յաւերժահարսը հրաման առնելով իշխանուհիէն մեկնեցաւ. իսկ մենք դէպի բակը գալով կը

խորհէինք մեր ուղևորութիւնը շարունակել: «Ո՛ւր կ'երթաք. ըսաւ դիցուհին. երեկոյին հանդէս կայ. կը ցանկանամ որ դուք ես, մանաւանդ այս մահկանացուն հիւր մնայ եւ վայելէ երեկոյեան այդ գուարճութիւնները»: «Մեզի համար փոյթ չէ, պատասխանեց զօրապետը, բայց այս հիւրը կ'աճապարէ եթէ կամի, կարող ենք մնալ»: Խընջոյքի լուրը լսելով, ես հետաքրքրուելով ու ուզևորուած՝ իսկոյն հաճութիւն տուի մնալու:

Երբ դուրս ելանք դաւիթէն Յէզար-Ֆէհտըր գիս մի կողմ քաշելով ըսաւ.

— Ինչո՞ւ այս երեկոյ մնալու հաճութիւն տուիք:

— Ի՞նչ կայ, ըսի, այսքան երկար ուղևորութեան միջոցին օր մ'ալ կը հանգստանանք ու ասոնց խնջոյքները կը վայելենք:

— Բայց չը գիտէս թէ՛ վտանգ կայ. կ'արբենաս, աւելի ճիշտ է ըսել՝ կ'արբեցունեն, կը հրապուրեն եւ կը մոլորեցունեն քեզ:

— Ես չեմ արբենար. չեմ մոլորուիք, եթէ կամը ունենամ:

— Մեծ մի խօսիր (ըսաւ ծիծաղելով). այդ խնջոյքներուն Աստղիկը կը նախահասէ եւ ամենէն զեղեցիկ աղջիկները ներկայ կը գտնուին. ինչպէս կարող ես չի մոլորուիլ:

— Ես կը յամառիմ եւ չեմ մոլորուիլ:

— Ամենայն յօժարութեամբ ես քեզ կը քաջալերէի այդ ցանկութեան մէջ, եթէ մեծ իշխանը հրամայած չըլլար, որ քեզ պաշտպանենք, այսու հանդերձ ես թոյլ կուտամ որ այս երեկոյ դժոխային այդ խնջոյքին ներկայ գտնուիս, որպէս զի քու քաջութիւնդ փորձեմ:

Աստ եւ անդ շրջազայելով՝ անհամբեր կը սպասէի երեկոյին: Վերջապէս հրաւիրակ մը եկաւ եւ դիս տարաւ խնջոյից յոյժ ընդարձակ սրահը: Գիցուհին բազմած էր իր նախագահական թիկնաթուին վրայ: Գիմացի կողմը մի բեմ պատրաստուած էր, ուր ելնելով գովասանական ճառեր, ոտանաւորներ կը խօսէին՝ որոց որ կարգն էր: Քիչ մը անդին մեծ բազմոց մը դրուած էր, որոյ վրայ նստած էին խումբ մը նուագածուներ: Սրահին մէջ տեղը դրուած էր երկայն սեղան մը, որոյ վրայ շարուած էին բազում տեսակ աղանդերներ եւ ըմպելիներ: Հանդիսականներուն համար սեղանին շուրջը բազմաթիւ աթոռներ եւ թիկնաթուներ կային: Չի նայելով որ դժոխքին մէջ ամենուրեք մթութիւնը կը տիրէ, այդ սրահին ձեղունէն կախուած բազմաշտանակ ջահի մը լոյսը ցերեկուան պէս լուսաւորած էր բովանդակ սրահը:

Ընկերներս ներս չեկան. իսկ ես խոնարհա-

բար ողջոյն մը տալէ յետոյ դիցուհւոյն, սեղանին շուրջը ինձ ցոյց տրուած թիկնաթոռներուն մէկին վրայ նստայ: Իմ տեղէն կարող էի թէ իշխանուհին, թէ բեմը և թէ բոլոր հանդիսականները տեսնել:

Դիցուհւոյն մի նշանին վրայ հանդէսը սկըսոււ. նուագածուք սկսան արևելեան քաղցրալուր մեղեդիներ նուագել և երգել: Ի՞նչ քաղցր ախորժալուր եղանակներ, ի՞նչ ճարտար նուագածութիւն: Դեղեցիկ սեռը աղօր մէջ ալ իր փափկութիւնը կը փայլեցունէր:

Նուագածութիւնը կէս ժամու չափ տեկելէ յետոյ զաղարեցուցին, և ըմպելիներն ու խօսակցութիւնը սկսաւ: Իշխանուհին խնդիրներ կ'առաջարկէր, ջրինակ՝ գիւղուհիներուն մէջ ո՞րը աւելի սիրելի է, ո՞ր գեղեցկութիւնը աւելի հրապուրիչ է: Հանդիսականներէն մի աղջիկ իր կարծիքը կը յայտնէր ու կը պաշտպանէր, ուրիշ մը կը հերքէր, ջերմ վիճաբանութիւններ, սրախօսութիւններ, և այս առթիւ ծիծաղներ տեղի կ'ունենային:

Երգն ու նուագածութիւնը դարձեալ սկսաւ և ժամանակ մը շարունակելէն յետոյ զաղբեցաւ:

Ափսէով մը լեցուն ծաղիկներ բերին Աստղկան, որոց հետ կար նաև մի ծաղկեփունջ: Յաւերժահարսներէն մին բեմն ելաւ և խոնարհու-

թիւն մը ընելով դիցուհւոյն, սկսաւ ծանր-ծանր իր մի տուն գովասանական ոտանաւորը կարդալ, որ հետեւեալն է.

«Քո մի հայեացքովդ, անդուր,
Հագար կտրիճներ կը գերես,
Եւ մի ժպտովդ բիւրաւոր
Սիրոյդ բազնին գոհեր բերես:

Հանդիսականը ծափահարեցին: Վար իջաւ բեմէն և թուղթը տարաւ՝ դարձեալ խոնարհութիւն մ'ընելով, Աստղիկին մատոյց, որ ծաղիկ մը տուաւ անոր:

Նուագածու հարսները սոյն տունը խսկոյն սովորած ըլլալով, սկսան չարմար եղանակաւ, մը երգել:

Յետոյ երկրորդ մը բեմն ելնելով, նոյն ձևով իր հետեւեալ ոտանաւորը կարդաց.

«Մեզ ի՞նչ ազդէ արևն հզօր,
Քանի քո լոյսն ու շողը կայ,
Եւ ի՞նչ արժէ լուսինն անզօր,
Քանի քո փայլն ու գեղը կայ:

դեպի Գարձեալ ծափահարութիւն: Յաւերժահարսը առաջնոյն պէս իր ոտանաւորը մատոյց իշխանունհոյն, որ ծաղիկ մ'ալ անոր տուաւ:

Նուագածուք դարձեալ սկսան սոյն նոր ոտանաւորը երգել և նուագել:

Երբորդ բեմ ելնողը Գոհարիկ կոչուած գեղանի աղջիկ մ' էր, որ իր ոտանաւորը կարգաց.

Վարդն ու մեխակ կ'ընդունին յար

Գոյն և անուշ հոտ քո այտերէդ:

Գեղեցկութիւնը դուն ծնար,

Գո՛ւ, պարծանք դժոխոց յաւէտ:

Գիցունհին ժպտեցաւ և հանդիսականք ծափահարութեամբ սրահը թնդացուցին: Երբ Գոհարիկը իր գովասանական թուղթը մատոյց, իշխանունհին նորա այտերը համբուրեց և փունջը անոր շնորհեց:

Նուագածուաց խումբը շարունակեց սոյն նորագոյն երգը երգել և նուագել:

Իմ քովի յաւերժահարսները սկսան վիճաբանիլ. մէկը առաջին կամ երկրորդ ոտանաւորին կը հաւանէր, իսկ միւսը երրորդին. ուրիշ մը դիտողութիւններ կ'ընէր և կը յայտնէր ինձ թէ՛ «փունջը արժանաւորութեան բարձր աստիճան

մը չի ցուցներ, դիցունհին կամբէն կախեալ է, երբ և որո՞ւն որ կամի, փունջը անոր տալ»: Եւ յամեկուց թէ՛ «եթէ գովասանները շարունակէին, տակաւին շատեր կային, որ իրենց ոտանաւորները պիտի կարգային, և ո՞վ դիտէ. թերևս անոնց մէջ լաւագոյնները կային:

Փունջը երբ տրուեցաւ, հանդէսի այդ մասը լրացած կը համարուէր:

Պարերն ու գոյգ գոյգ խաղերն սկսան: Ողբից ըմպելիները իրենց պաշտօնը կատարելով, աչքերս քիչ քիչ կը ծանրանային:

Կերակուրի սկսանք. Աստղիկը շնորհ ըրաւ իր ներկայութեամբ սեղանը պատուել: Զանազան խորտիկներ կը յաջորդէին միմեանց:

«Կենաց»ներու բաժակներն սկսան, նախ մեծ իշխանին, յետոյ Աստղիկան, և հետզհետէ ուղեւորներուս, հանդիսականներուն, գովասաններուն կենաց բաժակներ կը պարպուէին: Ո՛չ այսչափ մօտերս նստող գեղունհիններն ալ այլ և այլ անձնաւորութեանց համար «կենաց»ներ կը հնարէին, գաւաթներ կը բաղխէին:

Նախ օղին, յետոյ ալ գինին տակաւ իմ վրայ զգալի ըրին իրենց ազդեցութիւնը: Այդ կը յիշեմ թէ՛ նուագածու հարսները հետզհետէ պարկեշտութեան սահմանէն դուրս երգել կ'երգէին. իսկ շուրջս բոլորած գեղունհինները իրենց փա-

փուկ ձեռներովը կատակներ կ'ընէին: Այն հպարտ զիցունհին որ ի սկզբան այնքան լուրջ կ'երևար, այժմ ոչ միայն չէր սաստէր գեղունհները իրենց կատակներուն համար, այլ և ինձ կըսէր՝ «Մի քաշուիր, ազատ, համարձակ և հաճոյիցդ համեմատ վարուէ, կեր, խմէ, դուարճացիր, ազատ ես այստեղ»: Նուագածուք ոգևորուած՝ կ'երգէին, անվերջանալի «կենաց»ները կը շարունակուէին և կատակներն ու հրապոյրները կ'աւելնային: Իսկ ես մի ըոպէ միտքս ամփոփելով, մանաւանդ զօրապետին զգուշացուցիչ խօսքերը յիշելով, յամառ դիմադրութիւն մը կ'ընէի, բայց միւս ըոպէին ինքզինքս երջանիկ վայրկեաններու մէջ կը կարծէի: Գլուխս կ'որորուէր, աչքերս կը փակուէին և հազար ու մէկ հաճոյալի, զրգուցուցիչ պատկերներ կ'երևային:

Այդ վայրկեանին չէզար-ֆէնտը դրան սեմին վրայ երևաց, նա դէպի իս նայելով ժպտեցաւ, և իշխանուհիէն թոյլտուութիւն ստանալով հրաւիրեց զիս իր մօտ: Երբ սրահէն դուրս ելայ, ըսաւ. «Անդունդին քերանը հասած էիր. մի քանի ըոպէ ևս, և ահա անձնատուր պիտի ըլլայիր»: «Ես չը պիտի անձնատուր ըլլայի, ըսի. և եթէ այդ ոգելից ըմպելիները չըլլային, աւելի լաւ կը դիմադրէի և կարող էի մինչև վերջը տոկալ»: Ահ, այդպէս կ'ընեն ըսաւ, այդ ըմպելիներով

նախ խելքդ առին. սակաւ մի յետոյ պիտի մոլորեցունէին. քիչ յետոյ իրենց գեղեցկութեան դիմակները մեկդի պիտի նետէին, և պիտի տեսնէիր թէ՛ այդ գեղեցիկ հիւրինները այլանդակ, տգեղ հրէշներ են եղեր: Պիտի սկսէին վիժեցուցիչ խօսքերով քեզ տանջել, և իւրաքանչիւրը մեյմէկ ախտեր ու վէրքեր պիտի ընծայէին քեզի, հետևէ ինծի. հանգստանալու պէտք ունիս: Գնացինք իմ սենեակ և անկողին մտնելէս մի վայրկեան շանցած արդէն քնացած էի:



3.

ՅԵՆՆԵՆ ՈՒ ՏԱՆՋԱՆԱՐԱՆՆԵՐԸ

Առաւօտուն հրաժեշտի ողջոյնս տալով Աստղիկին. օգապարիկով մեկնեցանք յաւերժահարսանց աշխարհէն:

Մեր օգային նաւը ուղղեցինք դէպի գեհեանն ու պատժարանները, ուր հասանք այդ օրը:

Հէզար֊ֆէնտը իմացուց կեդրոնական կառավարչին, և նա հեռագրով այն տեղերուն կառավարչին հրամայեց, որ թոյլ տայ ինձ երթալ և տեսնել այդ հաստատութիւնները:

Չոգեկառքով ուղղուեցանք դէպի այդ կողմը: Նախ հռչակաւոր գեհեանը տեսնել ուղեցի. ներկայացանք գեհեանապետին, և նա հրամայեց իր օգնականին առաջնորդել մեզ: Իջանք հարիւր աստիճաններէ վար, նախ դուրսի գուռը, յետոյ երկրորդը. երրորդը, և հասանք բուն գեհեանին մօտը: Արդէն դժոխքին մէջ սովորականէն աւելի ջերմութիւն մը կար. շոգէն կը նեղուէի, բայց այդտեղ չափազանց էր ջերմութիւնը: Օգնականը անկիզբի շապիք մը հագցուց և գլխարկ մը դրաւ, տարաւ մեզ ասպակեայ կամ չը գիտեմ ինչ մետաղէ շինուած բոլորակ պատուհանի մը առջև, և «նայէ» ըսաւ:

Քանի հարիւր մեթր բարձրութեամբ, հազարաւոր մեթր լայնութեամբ և անծայր երկարութեամբ պատերով շինուած շէնք մէք, որոյ մէջ անչէջ կրակը կը վառէր: Պատերուն մէջ, ուրեք ուրեք մէջքի հաստութեամբ երկաթեայ խողովակներ կային, որոց միջէն առատօրէն և անդադար նաւթ կը հոսէր այդ անսահման, սարսափելի հնոցին մէջ և անշիջանելի կը պահէր գայն: Ինչպէս շինած էին գայն. — չը գիտեմ.

միայն թէ երբ քիչ մը հեռուէն նայիս, կարծես թէ վիշապի մը գլխու ձևն ունէր, ինչպէս որ ի հեռմն տեսած էի, վերը դրախտն ու սուրբերը, և այլն, և վարը դժոխքն ու զանազան տեսակ մեղաւորներու կրած զանազան տանջանքները ներկայացնող մեծ պատկերի մը մէջ:

Բաւական դիտելէ յետոյ գեհեանը, վեր ելանք այդ խոր գուռէն և զնացինք պատժարաններուն դուռը: Պատժարանները ճիշտ գեհեանին վրայ շինուած էին, և անոր չափ անծայր ու անսահման կը թուէին: Մի քանի կողմերէ գիտեցի, բոլոր տանջարանները յանցանքներու աստիճանին համեմատ ծանր կամ թէթեւ էին: Մարդասպաններու, աւազակներու, զոգերու, և այլ ոճիրներու համար, յատուկ յատուկ բաժանմունքներ կային, որոնք աստիճաններու բաժնուած էին: Սպառազէն դահիճ սատանաներ, այս բաժանմունքին մէջ, սուրը ձեռքերնին՝ վերջին դատավճռոյն կը սպասէին: Մարդասպաններուն մարմինները պիտի վիրաւորէին ու կառը կտոր պիտի ընէին: Գողերու բաժնին մէջ էին խարդախեալ ապրանք ծախողները և պակաս կշռողները, որոնց ձեռներն ու ոտները մամուլին մէջ պիտի պրկէին, ոսկորները պիտի փշրէին:

Գողերուն բաժնին մէջ էր մեծահարուստ վաճառական մը. զոր կանչելով պատուհանին

առջև, հարցայ թէ՛ «Ինչո՞ւ եկած է այստեղ»: Նա հառաչելով ըսաւ. «Ա՛հ, իմ ապրանքներուն և առևտուրներուն մէջ խարդախութիւններ կ'ընէի, այնպէս որ աննշմարելի կը մնար, և խիղճս հանդարտեցունելու համար ատկից գոյացած շահուն մի մասը հողևոր գործերու և հաստատութիւններու կը նուիրէի: Կարծես թէ սրտիս ներսէն ձայն մը կ'ըսէր ինձ. «Մի՛ ըներ այդ խարդախութիւնները, անարդար գործերը. գողութիւն է, գողութիւն: Բայց միւս կողմէն ալ աներևոյթ մէկը կը պատասխանէր. «Մտիկ մ'ըներ. այդ ոչինչ խօսքեր են. մանաւանդ որ այդ շահէն բաժին կը հանես բարեգործական հաստատութիւններու»: Այս վերջին խօսքերը ինձ համար աւելի լաւ կերևային և այդ խրատին հետևեցայ. բայց երբ մահուանս ժամանակ իմ գործերը կշռուեցան, այդ բարի գործերը շատ թեթև եկան և զիս բերին այստեղ: Ա՛հ, սխալուած եմ եղեր, սխալուած»: Զայս կ'ըսէր և յորդ արտասուք կը թափէր: Ողորմելիին ղէմքէն յայտնի էր թէ որչափ տանջանքներ կը կրէր. եւ յայելցուց. «Ես այսինչ քաղաքէն, այսինչ անձն եմ. երբ աշխարհ վերադառնաս, խօսէ իմ որդւոցս և կնոջս որ ճար մը ընեն, զիս ասկէ ազատեն»: Ծերունին դայս խօսեցաւ. և դահճին սպառնալից նայուածքին առջև դողդոջալով, զնաց իր տեղը գլխիկոր:

Այս խղճալի տեսարանէն յետոյ, անցանք ուրիշ բաժիններ: Ստախօսներու բաժնին մէջ կը տեսնուէին ամեն տեսակ խոստմնազանցներ, խաբեբաներ և կեղծաւորներ, որոնց լեզուները պիտի կտրտէին:

Այլ բաժնի մը մէջ զանազան կարգի անպուժ բռնաւորներ կային, որոնց տարօրինակ պատիժներ կուտային. օրինակ՝ սայլապան կամ ջորեպաններ որոնք որոշեալ չափէն և զրաստին կարողութենէն շատ աւելի ծանր բեռներ բեռցուցած՝ խարազանով անզթօրէն մտրակած են այդ անասունները, մի և նոյն սայլերը նոյն բեռներով բեռնաւորած և, քարշող զրաստներուն փոխարէն, այդ անզուժ սայլապաններն ու իշավարները լծած էին: Երբ բարձրելոյն վերջին հրամանը դար, պիտի սկսէին զանոնք գաւազանով ու խարազանով շարաչար հարուածել, որպէս զի զառիվեր քարչեն տանին այդ անտանելի բեռը, և իրենք ալ այդ անզթուժեան փորձը կրեն:

Սաստիկ ազահ, ժլատ և չափազանց արծաթասէր մարդոց յատուկ բաժանմունք մ'ալ տեսայ, ուր բովերու մէջ հալած ու հեղուկ վիճակի վերածած հոացեալ ոսկին և արծաթը խողովակներով այդ անպիտաններուն բերնէն վար

պիտի լեցունէին, որպէս զի ազով յագեցունէին անոնց ընչաքաղցութիւնը:

Առանձին բաժանմունքի մը մէջ էին այն որկրամոլները, որոնք առատ, համադամ կերակուրներով յափրացած ու յղփացած, երբէք չէին յիշած իրենց աղքատիկ զրացին, որ չոր հացով կ'ապրէր: Այդպիսիներուն առջև աղտոտ, կեղտոտ ամաններու մէջ լեցուած զանազան զալիւր ճճիներ ու միջատներ պիտի տային որ ուտեն և իրենց քաղցը հագեցունեն:

Եւ որ մէկ բաժանմունքը, որ մէկ պատիժը թուեմ: Հպարտ, նախանձոտ, շնացող մարդոց զատ զատ, և իր կիներն ու երեխաները ծեծող, քաղցած պահող և անոնց հացազինը դինետուններու մէջ մսխող արբեցողներու համար ալ զատ բաժանմունքներ կային:

Բաւական շրջագայած ու դիտած ըլլալով, վերադառնալ ուզեցի: Ճանապարհին առաջին հարցումս եզաւ հազարապետին թէ՛ «Նկատելով որ աշխարհի մէջ իգական սեռն ալ այդ մարդոց թուոյն հաւասար է, այս տանջանարաններուն մէջ շատ նուազ էր գեղեցիկ սեռը, արդեօք, անոնց բաժանմունքը զատ էր, կամ անոնց մէջ յանցաւորները այնչափ քիչ են»: «Ո՛չ, պատասխանեց ուզեկիցս. մարդիկ, այդ ըլլան թէ կին, բոլորն ալ տրամադիր են մեզանչելու. սա-

կայն մինչդեռ այրերը համեմատաբար աւելի ուժեղ են, և սպանութիւններ, գողութիւնները աւաղակութիւններ, բռնութիւններ և այլն կարող են գործել, կիները որովհետև տկար և փափկակազմ են, անկարող են այդ յանցանքները գործել: Գեոցայսօր աշխարհի մեծագոյն մասին մէջ ինչ են կիները.— հաճոյքի առարկայ ստրուկներ: Այն տեսած կիներուդ մեծագոյն մասն ալ այն երեկիրներէն են, ուր գեղեցիկ սեռն ևս ազատութիւն կը վայելէ: Եւ ինչ են անոնց յանցանքը, կեղծաւորութիւն, ստախօսութիւն, նախանձ, այս պիտի բաներ: Կարելի է հարցունես թէ անոնք ալ եթէ արանց չափ ոյժ և ազդեցութիւն ունենային, միթէ այրերէն նուազ յանցանքներ պիտի գործէին.— այդ ուրիշ խօսք է»:

Երկրորդ, հարցայ օդնականին թէ՛ «Այդ տանջանարաններուն մէջ տեսած մարդիկս որ ազգի կամ կրօնի կը վերաբերէին»: Այստեղ միլեառներով մարդիկ կան ըսաւ, որոնք ամեն ազգէ և կրօնէ խառն են: Բարձրելոյն կամքով մենք այստեղ կը բերենք և մեր գերիներուն թիւը կը բազմացունենք, մեզի ինչ փոյթ, ինչ ազգէ կամ կրօնէ կ'ըլլան, թոյ ըլլան»:

Հասանք կեղրոնականը ուր ճաշեցինք և գիշերեցինք. յաջորդ առաւօտուն ուղեկիցներովս միասին ճանբայ ելանք գէպի մեծ իշխանին պալատը:

4.

Ն Ե Ռ Ը *)

Չողեկաւքով կ'ուղևորէինք: Կեղըրոնականին իշխանութեան ներքե էր հեռազրատունը, ուր նախապէս այցելեցինք և մեզ պէտք եղած հեռագիրներն ու պատասխանները լսեցանք:

Աւելի յառաջ երթալով, երբ առանձինն շինուած ամրոցի մը մօտէն կ'անցնէինք, ներսէն գոռում գոչումի ահուելի ձայն մը լսեցինք, և հարցայ.

— Ի՞նչ տեղ է այս ամրոց:

Հազարապ.— Բան չը կայ, նեռն է:

— Նեռն ով է:

— Մեզմէ է. երբ երկնքէն վար թոթափեցանք, այն ալ մեզ հետ էր: Այն ալ գժոխային իշխան մը է, զոր բարձրելոյն կամքով այստեղ

*) Նեռն.— Անտիքրիատոս:

բանտարկուած, պահապաններ զրած ենք: Նա Քրիստոսէ առաջ աշխարհ պիտի գայ և բազում շարիք պիտի գործէ: Բոյց նա ժամանակէն առաջ երբեմն խոյս կուտայ դէպի աշխարհ և արիւնհեղութիւններ ու աւերումներ կ'ընէ: Պահապանները կը զինուին, կը հետապնդին, աշխարհի ո՞ր կողմն ալ ըլլայ, կը գտնեն, կը ձերբակալեն, գժոխք կը բերեն և կը շղթայեն:

— Ուրեմն գնանք այդ իշխանն ալ տեսնենք:

— Գնանք:

Երեքս միասին վար իջանք շողեկաւքէն և դէպի ամրոցը ուղղուեցանք: Երբ շատ մօտեցանք, որոշակի կը լսուէր նորա գժոխային խօսքերը որ կ'ըսէր: «Արձակեցէք զիս շղթաներէն, թոյլ տուէք, որ երթամ աշխարհ, ջարդեմ, կոտորեմ բնակիչները, և քանդեմ, աւերեմ, կործանեմ բոլոր երկիրները»:

Գունդ մը պահապան զինուոր յատկացուած էին ամրոցին: Զօրապետին տուած տեղեկութեան վրայ, գունապանը թոյլ տուաւ մտնել նեռին բանտը, որ կրկնակի պարիսպներով շրջապատուած և երկաթեայ գուններով ամրացած էր: Պահապանաց պետէն թոյլտուութիւն ստացանք սակաւ ինչ դիտել այդ անձը:

Սրահին մէկ կողմը կանգնած սկսայ դիտել: Մի կողմը երկաթեայ հաստ ձողերով վանդակա-

պատ տեղ մը կար, ուր էր Նեոլը շղթայուած: Նա հսկայ մարմնով, դաժան դէմքով, կատաղի աչքերով ու ցցուած մազերով անձ մը էր, որ փրփրած ալիքներու պէս կը գոռար: Զօրսպետին խօսած պատմութեան նայելով՝ նա չարութեան ոգին էր և առաջին օրէն ի վեր այդ վիճակին մէջ էր: Մի քանի իրեն պէս ուժեղ պահապաններ ունէր, որոց մին որ հսկայ անձ մ էր, կերևար թէ միւսներուն պետն էր: Ասոնք փոխ առ փոխ կը հսկէին, բայց երբեմն պահապանաց մէկին, երբեմն միւսին անհողութեամբ շարը կը փախչէր, աշխարհի ո՞ր կողմը որ ոտք կոխէր, աւերումներ կը գործէր, յետոյ ձեռքակալուելով կը բերուէր այստեղ:

Մեր գնացած պահուն նորա կատաղութիւնը սկսաւ. եզունգներովը իր ձեռներն ու ոտները կը ճանկութէր, կը վիրաւորէր, շղթաները փշրել ու փախչել կը ջանար: Մեծ պահապանը սաստեց ըսելով. «Տը, հանդարդ կեցիր, անդգամ: Զարը վայրկեան մը կը խաղաղէր, բայց յետոյ դարձեալ «Թոյլ տուէք, թոյլ տուէք, արձակեցէք զիս, որ երթամ աշխարհ աւերեմ» իր սովորական խօսքերը կը կրկնէր: Պետը տեսնելով թէ նա չի հանդարտիր, ելաւ կանգնեցաւ, և ձեռքի երկաթեայ անոգին լախտովը գլխուն և մարմնոյն այնպիսի հարուածներ տուաւ, որ նա վի-

րաւորուած և արիւնով շողախուած, նուազեցաւ ընկաւ իր վանդակին մէջ: Նա սարսափեցայ, հիմակ հոգին պիտի փչէ ըսի, բայց ուղեկիցքս զիս ապահովցուցին թէ՛ «Մի վախեր այսպիսի օրեր շատ է տեսել Նեոլը»:

Նւ յիրաւի քիչ վերջը սթափեցաւ, և աչքերը բացաւ: Հազարապետը պատմեց թէ՛ նա քիչ քիչ կ'ուժեղանայ, հապա մոլեղնութիւնը, կատաղութիւնը կը սկսի, վերջը պատիժը:

Աւելորդ համարելով այլ ևս երկար մնալ այդտեղ, մեր վերջին «մտաք բարեալն» ըսինք պահապանաց, և մեկնեցանք այդ շարաշուք ամրոցէն:



5.

ԳԺՈՒՔԻ ՊԱՏՄՈՒԹԻՒՆԸ

Հասանք իշխաններուն ապարանքները և նոյն երեկոյին այնտեղեր գիշերելով, յաջորդ օրը ուղեկիցներու հետ միասին ներկայացայ Սաղայէլին:

— Ե՛, տեսնո՞ր իմ գօրագունդերը և զժոխային հաստատութիւնները:

— Այո՛, տէ՛ր իշխան, ո՛չ միայն ազոնք, այլ և Նեուր:

— Ահ, Նեուր, չարութեան ոգին, որ մեզմէ է:

Եւ գոռոզ գէմքով մը յարեց սատանան. «Ես եմ այն տեսածդ հոյակապ հաստատութիւնները հիմնողը, ես եմ անշիջանելի գեհեանը, այդ մըշտատե հուրը վառ պահողը, ես եմ զանազան տանջանքներ հնարողը, ես եմ որ իմ անթիւ,

անհամար գործակիցներու միջոցաւ կը խաբեմ, կը մոլորեցունեմ մարդիկը և կը բերեմ այստեղ. ես եմ, ես, ես, ես»:

— Այո՛, մեծ իշխան, մեծ է Ձեր գօրութիւն:

— Որովհետեւ տեսար զու իմ մեծութիւնն ու գօրութիւնը, երբ աշխարհ վերադառնաս, խօսէ՛ բոլոր մարդոց թէ՛ սատանան մտացածին անձնաւորութիւն մը չէ:

— Ես ըսեմ, բայց եթէ դարձեալ չի հաւատան, ինչպէս ընելու է:

— Այո՛, կան մարդիկ, որ բնական օրէնքներուն ցոյց տուածներէն դուրս բանի մը չեն հաւատար, բայց ես ինչ ունիմ բնութեան հետ. մեր գործ սրտերու հետ է: Ձեր արարիչը ամեն մարդու ազատ կամք տուած է, և անոր սրտին մէջ մեյմէկ հրեշտակ դրած է, որ բարի խորհուրդներ կ'ուտայ. Ես ալ ամեն մարդու մէջ մէյմէկ սատանայ դրած եմ. Սարգիկ կան որ իրենց կազմութեամբ և կրթութեամբ հրեշտակին կ'անսան, և մարդիկ կան, աւելի բազմաթիւ, որ մեզի կ'անսան, և մենք կը գերենք, կը բերենք այստեղ, տանջարանները: Արդ, ո՞վ մահկանացու, դո՛ւ, որ զնացիր տեսար այդ հաստատութիւնները, ունիս զիտողութիւն մը:

— Այո՛. մեծագօր իշխան, եթէ թոյլ կուտաք, երկու հարցումներ պիտի ընեմ:

— Ըսէ՛, ըսէ՛ նայիմ: Գժմորվիս ճոցօր Գանա՛մս:

— Առաջին, տանջանարաններուն պատիժները ընդհանրապէս անլուր, տարօրինակ չէին երկրորդ, ստախօսներուն ու կեղծաւորներուն պատիժները քիչ մը խիստ չէին արդեօք:

— Յանցանքները և անոնց աստիճանները ձեր արարիչը կը վճուէ. իսկ պատժելու կերպերը մեր գործն է. այսու հանդերձ նա կարող է պատժոյ թեթեւացումներ և բարեփոխութիւններ կատարել, և մենք այն ժամանակ այնպէս կը պատժենք. օրինակ՝ ժամանակաւոր կեանքի մէջ գործուած յանցանքներու համար որոշուած մըշտնջենաւոր պատիժները՝ նա կարող է կարճ կամ երկար ժամանակաւորի փոխել: Դալով երկրորդ հարցմանդ, դուք թէ և զանոնք յանցանքներու տեղ չէք դներ, բայց այսչափ մըսեմ թէ՛ ստախօսութիւնն ու անոր եղբայրը կեղծաւորութիւնը եթէ վերնան աշխարհէն, իմ դժոխային դերիններուն թիւը կէս առ կէս կը նուազի:

Մեկնելու հրաման խնդրելէ առաջ, յիշեցուցի Սաղայէլին դժոխքի պատմութիւնը լսելու ցանկութիւնս: «Լաւ, ըսաւ նա. այդ ցանկութիւնն ալ կատարեմ համառօտ կերպով մը»: Ելաւ կանգնեցաւ, և, գահոյից առջևը պտոյտ մը ընելէ յետոյ, ելաւ բազմեցաւ իր տեղը և սկսաւ պատմել:

«Անյիշատակ ժամանակներէ ի վեր, երկնային թագաւորութեան մէջ իմ բարձր աստիճանն ու պաշտօնն ունէի, զորս կը վարէի արժանաւորապէս: Միամտօրէն ես ևս կ'օրհնէի ու կը փառարանէի բարձրեալը, իբրև ստեղծող և տէր տիեզերաց: Կ'ըսէին թէ նա ի յաւիտենից է և պիտի տևէ յաւիտեան:

«Մի օր ամենակալը ժողովելով երկնային բոլոր հրեշտակները, և ներկայացունելով մեզ Օծեալը, ըսաւ. «Սա է իմ միածին որդին ի յաւիտենից. համազոյակից և փառակից իմ, պէտք է հնազանդիք ասոր»:

«Մինչդեռ մեզի համար ծանր էր մէկին հնազանդիլը, և ահա պարտ կը զրուէր մեր վրայ հնազանդիլ իր որդւոյն ևս: Ուստի իմ երկրորդին ըսի, որ ժողովէ մեր զօրագլուխները և բոլոր հետևողները, մեր զօրանոցի կողմը փութան: Այնտեղ խորհրդակցութիւնը կատարուելով, ձեր արարչին դէմ ապստամբեցանք: Լուրը շուտ հասաւ բարձրելոյն աթոռը, և յաջորդ օրը երկնային մեծ զօրութիւն, Միքայէլի զօրապետութեամբ մեր վրայ զրկուեցան. պատերազմեցանք և յաղթութեան կշիւր այն կողմը հակեցաւ: Հետեւալ օրը մենք յաղթող հանդիսացանք. իսկ երրորդ օրը, ահ, սարսափելի էր. նոյն Օծեալը եկաւ մեր վրայ, բիւրաւոր շանթեր արձակեց և մենք բո-

լորովին ուժասպառ և զինաթափ եղանք: Նա հալածական վարեց մեզ մինչ երկնից պարիսպները, և անկէց վար թօթափեցանք անդունդը, հրեղէն լիճներուն մէջ:

«Երկար ժամանակ այնտեղ մնալէն յետոյ, սթափեցայ ես, և Բէեզզեբուզը սթափեցուցի: Ելանք հրատապ ցամաքը, ձայն տուի մեր ընկերներուն, որոնք եկին ժողովեցան իմ շուրջ: Քաջալերեցի զանոնք և անմիջապէս մի մեծ պալատ կառուցինք և խորհրդակցութիւնը սկսաւ: Ամեն մէկը մէյմէկ կարծիք կը յայտնէր, վերջապէս որոշուեցաւ անողորբելի թշնամութիւն, հակառակութիւն և վրէժխնդրութիւն: Առ այս պատշաճ համարուեցաւ նորաստեղծ մարդը մեր կողմը դարձունել, որպէս զի իրենց Աստուծոյն հետ թշնամանան և նա ջնջէ զանոնք: Այս միջոցը լաւ էր, բայց ո՞վ յանձն պիտի առնուր այս վտանգաւոր ուղևորութիւնն ու դժուարին պաշտօնը: Ես այս արքայական պատուին արժանի չէի ըլլար, եթէ հասարակաց օգտին համար ես յանձն չառնէի:

«Իմ արագաշարժ թևերը շարժելով բարձրացայ մինչև դժոխոց դուռները, ուր էին «մեղքըն» ու «մահը, սոյն վերջինը թէև զիմադրեցինձ, բայց մայրը ծանօթացունելով մեզ մեկզ-

*) Միլտովնի «գրախոս կորուսեալ»:

մեկու, բացաւ դժոխոց դուռները, և ես անցայ: Բազում փարսախներ գնալէ յետոյ, վերջապէս հասայ աշխարհը:

«Մինչ ես կ'ուղևորէի, բարձրեալը կը տեսնէ իմ գնալը, և խորհրդակցութիւններ կը կատարուին չօր և Որդւոյն մէջ: Յետոյ կը հարցնէ հրեշտակներուն թէ ձեր միջէն ո՞վ յանձն կ'առնու մահկանացու լինել, մահկանացուին յանցանքին քաւութեան համար: Բոլորը անբարբառ կեցած են, և Որդին յանձն առած է մարմին զգենուլ և մեռնիլ փոխանակ նորա: Կը յայտնէ նաև թէ յետոյ յարութիւն պիտի առնէ, զիս պիտի նուաճէ ու կողոպտէ իմ աւարը. թէ՛ ի վերջոյ դժոխոց թիւը լրանալով մշտափակ պիտի մնայ:

«Ես չէի գիտեր երկնից մէջ տեղի ունեցած խորհուրդներն ու վճիռները, բայց յետոյ մարգարէութիւններէն ու գրքերէն *) իմացայ:

«Դառնանք իմ պատմութեան, Չարունակեցի ուղևորութիւնս. ինչ դժուարութիւններու հանդիպեցայ, ինչ հնարքներով յաջողեցայ, զանց կ'առնեմ խօսել: Վերջապէս հասայ զրախտը, ուր ձեր նախածնողները երջանիկ վիճակի մէջ կ'ապրէին:

«Ի հարկէ գիտէք թէ ինչպէս օձի կերպարանք ժտնելով համոզեցի Եւան, որ կերաւ բար-

*) Միլտովնի «գրախոս կորուսեալ»:

ւոյ և շարի գիտութեան ծառին պտղէն, որ իրենց արարչէն արգիլուած էր. թէ՛ ինչպէս Ագամ ևս իր կնոջ սիրոյն համար կերաւ այն պտղէն: Այր և կին տեսնելով իրենց և ապագայ սերնդոց կրելիք թշուառութիւնները, սկսան վիճել, զիրար մեղադրել և կշտամբել, բայց յետոյ տեսնելով թէ իրենց կամքով մեղանշեր են, զըզջացած, ապաշխարած և թողութիւն խնդրած են: Որդին բարեխօս կ'ըլլայ անոնց համար, հայրը կը ներէ, բայց «Չէ կարելի կ'ըսէ, որ անոնք այլ ևս զբախտը մնան»: Ապա Միքայէլին կը հրամայէ, որ իջնէ գրախտը, պատմէ Քրիստոսի գալուստը, նորա գործերը, մխիթարէ զանոնք և զրախտէն դուրս հանէ: Հրեշտակապետն ալ իր տիրոջ հրամանին համեմատ կ'երթայ, կը պատմէ և զբախտէն դուրս կը հանէ»:

«Ես իմ զժուարին պաշտօնս յաջողութեամբ կատարած լինելով, գնութացի անցայ ծանօթ մեծ կամուրջէն, զոր «Մնդր»ն ու «Մահ»ը կառուցած էին, զանոնք զրկեցի յաշխարհ, և ես եկի բազմեցայ իմ այս արքայական գահը, ի մեծ ուրախութիւն համայն սանդարամետականաց:

«Այն օրէն սկսեալ կազմակերպեցի պոչաւորներուն, եղջերաւորներուն, դեներուն և այլ դասակարգութիւնները, հիմնեցի գեհեանը և աշ

խարհ ուղարկեցի անհատական և շրջիկ սատանաները:

«Չեր նախածնողները երկրի վրայ բնակելով, ունեցան զաւակներ, մենք ամենուն մէջ ալ կարգեցինք մեր պահապանները, նոյնպէս և բարձրեալը իր հրեշտակները: Ազամայ երէց որդւոյն, կայէնի սրտին մէջ բնակող մեր գործակալը առաջին անգամ յաջողեցաւ, նորա սըրտին մէջ նախանձը զրգոցեց, և նա սպանեց իր կրտսեր եղբայրը, Աբէլը, զոր տարինք դժոխք:

«Այստեղ պէտք է յիշել թէ՛ մենք թէ՛ և իրաւունք ստացել էինք արդարն ու մեղաւորը առ հասարակ գերել, սակայն երբ տեսանք թէ այս ինչ մարդ արդար է, չէր կարելի զայն մեղաւորներուն հետ բնակեցունել. ուստի արդարներուն յատուկ ընդարձակ բանտ մը կառուցինք, և այս նորաշէն բնակարանը բերինք բնակեցուցինք Աբէլը և հետագայ արդարները:

«Եկաւ ժամանակը. եւան չէր ուզէր դալ. չէր ուզէր աշխարհէն բաժնուիլ, բայց մենք համոզեցինք թէ բոլորն ալ քիչ ժամանակէն պիտի գան: Տակաւին կը վարանէր. բայց երբ ըսինք թէ. «Այնտեղ է քո սիրելի Աբէլը, արի, տես», լեղճ կինը իւր վաղամեռիկ զաւկին անունը լսելուն պէս, մոռցաւ ամեն ինչ, և հետեցաւ մերայնոց: Ազամն ալ զժուարացաւ դժոխք գալը

և տրտմեցաւ, բայց յետոյ փրկութեան խոստումը յիշեց և «Պամբ տեսառն օրհնեալ է և օրհնեալ եղիցի» ըսելով ելաւ եկաւ իր յատկացեալ բնակարանը:

«Ջարունակեցինք այնպէս. լաւն ալ, վատն ալ, Աբրահամը, Իսահակը, Յակոբը, դատաւորները. Դաւիթը, մարգարէները. բոլորն ալ բերինք բնակեցուցինք յիշեալ բանտը:

«Ա՛հ, ինչ երջանիկ ժամանակներ: Ադամէն մինչ ի Քրիստոս եղած ժամանակամիջոցը իմ դժոխային թագաւորութեան ամենափայլուն շրջանը, մեր ոսկեդարն էր:

«Մարգարէութեանց նայելով մօտեցած էր գուշակուած ժամանակը և մենք անհամբեր կըսպասէինք Օծելոյն դալստեանը: Մի օր Երուսաղէմի մօտ, Բեթլէհէմի այրին մէջ մանուկ մի կը ծնի Մարիամ անունով կոյսէ մը, բունն արդէն աւետած է եղեր Դաբբիէլը թէ «Հոգին սուրբ պիտի գայ քեզի» և այլն: Այս լուրը առածիս պէս հրամայեցի մերայնոց՝ զնալ քննել թէ այդ երեխայն որո՞ւ գաւակ է: Եկին և պատմեցին թէ Մարիամը հիւան Յովսէփին խօսեցեալն է եղեր, թէ՛ ասոնք Դաւիթիայի նազարէթ քաղաքէն էին, և մանկան անունը Յիսուս էր: Բան մը չը հասկացանք այս ղէպքէն, գիտէինք երկնային հայրը, տեսած ենք նորա որդին, բայց Հոգին չէինք

լսել: Եթէ այդպէս է, երկնային թագաւորի մը կը վայլէ որ իւր որդին այսպիսի աղբատիկ վիճակի մը մէջ աշխարհ ուղարկէ: Ո՛ւր են նորա թիկնապահները, ո՛ւր են զինուորները և գանձերը: Ըսին նաև թէ արևելքէն երեք մոզեր եկած, երկրպագութիւն ըրած և ընծաներ մատուցած են այդ մանկան, բայց այդ ալ մեծ բան մը չէ ըսինք. գուցէ անոնք սխալած են:

«Անցան օրեր, ամիսներ ու տարիներ. նա թէպէտ և չէր մեղանչէր, բայց նշան մ ալ ցոյց չէր իտար թէ ինքը բարձրելոյն որդին է:

«Երբ երեսուն տարեկան եղաւ, զնաց Յորդանան գետը և այլոց պէս ինքն ևս Յովհաննէսէն մկրտուեցաւ: Յետոյ հոգի կոչուածը անուպատը տարաւ զայն, որ 40 օր տիւ և գիշեր ծոմ պահեց: Չարմացայ թէ ինչպէս կարելի է որ մարդ 40 օր բան մը չուտէ, չի խմէ և ապրի. սակայն կարելի է, ըսի, որ նոր գիւտ մը, հնարք մը գտած ըլլայ և անով կարող ըլլայ ծոմ պահել: Ժամանակ է, ըսի, որ փորձեմ զայն. մօտեցայ և երկու տեսակ առաջարկութիւններ ըրի. երբ տեսայ որ երկուսն ալ գրքի միջի պատասխաններով մերժեց, երրորդ և կարևոր առաջարկութիւն մը ըրի: Հանեցի զայն բարձր լեւրան մը վրայ և ցոյց տալով աշխարհի բոլոր թագաւորութիւնները և անոնց փառքը, ըսի ա.

նոր թէ՛ «Այս ամենը քեզի կուտամ, թէ՛ որ իյնաս
ինձի երկրպագութիւն ընես»: Այս հրապուրիչ
առաջարկութիւնս ալ մերժեց, ըսելով թէ՛ «Յետ
գնա, սատանայ, գրուած է թէ՛ քու տէր Աստու-
ծոյդ երկրպագութիւն ընես ու միայն զանիկայ
պաշտես»: Չարմացայ թէ՛ ինչպէս ճանչցաւ զիս
և ինչ տեսակ մարդ էր այս. զի մինչդեռ ուրիշ
մարդիկ աշխարհային փոքր փառքի մը, փոքր
պաշտօնի մը և փոքր շահու մը համար կը յօ-
ժարին ինձի խոնարհիլ, երկրպագանիլ, այս
մարդ բոլոր թագաւորութիւնները մերժեց և չի
խոնարհեցաւ ինձի: Այո՛, նոյնն է մեր հակառա-
կորդն է ըսինք և մնը զգուշութիւնները յաւել-
ցուցինք: Այնուհետև վայրկեան մը չէինք զագ-
րեր զինքն ու իրեն զօրժեքը զիտելէ և որո-
գայթներ լարելէ:

«Իրեն հետևող տասներկու հոգի ընտրեց-
ինչ մարդիկ, — խեղճ ձկնորսներ, տղէտ մարդիկ:
Ունէր նաև բազմաթիւ աշակերտներ ալ, որոնք
նոյնպէս հասարակ զասակարգի մարդիկ, հաց
ուտողներ էին:

«Նա ելաւ լեռը և քարոզել սկսաւ. կը կար-
ծէի թէ՛ անոնց վիճելու, կուռելու ձևեր, կեանքի
մէջ յաջողելու հնարքներ պիտի սովորեցունէր,
բայց ինչ լսեցինք. — երանի կուտար սղաւորնե-
րուն, հեզերուն, խաղաղութիւն ընողներուն, ար-

զարութեան համար հալածուածներուն, ինչու որ
անոնց փոխարէն երկնային զանազան բարիք
պիտի վայելեն եղեր: «Սպանութիւն մի ըներ»
ըսուած էր, ինքն յաւելցուց թէ՛ «նչ միայն սպա-
նութիւն մի ըներ, այլ պարապ տեղը եղբօրդ մի
սրդողիւր, «յիմար» մի ըներ: Պատուիրուած էր
չի շնանալ. ինքն կըսէր թէ՛ սրտով ցանկանալն
ալ նոյնն է: Սրդէն ըսուած էր թէ՛ «Քու ընկերդ
սիրէ». Օժևալը կըսէր թէ՛ «նչ միայն ընկերդ
սիրէ, այլ ձեր թշնամիներն ալ սիրեցէք և ձեզ
ատողներուն բարիք ըրէք»: Ասէ, ո՞վ մահկանա-
ցու, այդ կարելի բան է, ո՞վ կարող է թշնամին
սիրել և ատելիին բարիք ընել:

— Ինքն իմաստութիւնն է. թերևս օգտակար
համարած է այնպէս ընել:

— Եթէ թշնամին սիրել և ատելիին բարիք
ընել պէտք է, ինքն ալ հայրն ալ զիտեն որ մենք
իրենց թշնամին ենք. ինչո՞ւ մեզ չեն սիրեր: Ին-
չո՞ւ մեզի բարիք չեն ըներ:

— Այդ պատուէրները, կարծեմ, աշխարհի
մարդոց, մանաւանդ իր աշակերտներուն համար
է, և ոչ թէ ձեզի համար. ձեր զրութիւն և պայ-
մանները տարբեր են:

— Սրդէն մենք չենք ընդունիր և չենք հնա-
զանդիր նորա պատուէրներուն, բայց տեսնենք
թէ՛ աշխարհի մարդիկ, զոնէ իր հետևողները կա-

րո՞ղ են այդ պատուէրը կատարել. մինչև իսկ ինքն կարո՞ղ է այդպէս ընել:

— Նա ինչ որ կը պատուիրէր, նախ ինքն կը գործէր և յետոյ ուրիշներուն կը պատուիրէր: Ազնիւ, մաքուր, անկեղծ եղիք կ'ըսէր, ինքն արդէն այնպէս կը վարուէր, խոնարհամիտ, զթած, ողորմած, ներողամիտ եղիք կ'ըսէր. ինքն արդէն բոլոր մարդոց վերաբերմամբ ողորմած, զթած էր:

Խնդրեմ, մեծ իշխան, յաւելցուցի. հաճեցէք շարունակել ձեր պատմութիւնը:

Պէտք է այստեղ յիշել թէ՛ Սաղայէլը դժոխոց պատմութիւնը խօսած ժամանակ մերթ կը կանգնէր, մերթ դահույքի աստիճաններէն վար իջնելով յատակին վրայ կը ճեմէր: Բարկացած ժամանակ տեսնելու էր նորա անարկու գէմքը և փայլակնացայտ աչքերը. նորա ձայնը որոտման պէս կը թնդացունէր բովանդակ սրահը:

«Այսպիսի քարոզութիւններ կ'ընէր, շարունակեց Սաղայէլ, և օրըստօրէ իր մարդիկը կը բազմանային: Ո՛չ միայն քարոզութիւն, այլ և հրաշքներ կը գործէր. բորոտներ, գիւհարներ, խուլեր, համրեր, զանազան հիւանդներ կը բժշկէր. անդամալոյծները կը քալեցունէր, կոյրերուն աչքերը կը բանար և մուռեալներ կը կենդանացու-

նէր: Նա բնութեան դաղտնիքը գիտնալով բազում հրաշքներ կը գործէր:

«Շկաւ վերջին ընթերիքի օրը. նոյն երեկոյին, սեղանին վրայ, մեկգմեկ սիրելու բազում պատուէրներ տուաւ իր մարդոց և քաջայերեց զանոնք: Եւ զարմանալի է, որ մենք անոր թշնամին ըլլալով հանդերձ նրա գործերէն հաւատացինք թէ բոլոր մարդոցմէ վեր, բարձրելոյն ծնունդն է, հրէաները, մանաւանդ զպիւրները, փարիսեցիներն ու սաղուկեցիները չէին ուզեր հաւատալ. ինչո՞ւ, — վասն զի անոնց փառասիրութեանն ու շահուն կը դպչէր:

«Ես տեսնելով նորա գործերը, անձամբ մաքառելու համար դուրս եկած էի դժոխքէն և քայլ առ քայլ անոր կը հետեւէի: Տեսնելով որ չը կարողացանք խաբել, մոլորեցունել այդ մարդը, գնացի քահանայապետներուն սիրտը մտայ և զրգուեցի զանոնք ըսելով. «Ինչ էք կայներ, անհա Յիսուսը բոլոր աշխարհը կը մոլորեցունէ, ալ որո՞ւ քահանայապետ պիտի ըլլաք»: Անոնք սկսան զայն սպաննելու խորհուրդներ ընել: Դիւրացուցի անոնց գործը. գնացի անոր մարդոցմէ մեկին, Յուդային մօտ, և անոր ալ արծաթսիրութիւնը զրգուեցի: Սա երեսուն արծաթ ստանալով հրէաներէն, մատնեց Յիսուսը անոնց ձեռքը: Դիշերը քահանայապետին տունը տարին, իրենց ուզա-

ծին պէս դատեցին, մահուան դատապարտեցին, շարչարեցին և առաւօտուն տարին Պիղատոս անուն կուսակալին որ մահուամբ պատժէ:

— «Ես նկատելով թէ, եթէ Պիղատոսը որ և իցէ պատճառաւ ազատ արձակէր Յիսուսը, մեր բոլոր ջանքերը ի գուր կ'երթային և մեր հակառակորդը աւելի ևս կը դորանար, գօտէպնդելով գնացի Պիղատոսին մօտ: Այդ մարդը մէկ կողմանէ տեսնելով հրէից քահանայապետներն ու գրգռուած ամբոխը, որոնք կ'ազդակէին «Վերցնու մեր միջէն այդ մարդը, խնայր հանէ զայդ», կը խորհէր անոնց ըսածը ընել, և միւս կողմանէ խորհելով թէ բոլորովին անմեղ է այդ ամբաստանեալ անձը, կ'ուզէր որ արձակէ, վարանման մէջ էր: Խորհեցաւ, և Յիսուսը մի անգամ ալ չեբովդէսին ուղարկեց, բայց ձեր փրկիչ ըսածը, այնտեղ հրաշք մը չի գործեց, ինքզինք չի պաշտպանեց. կարծես թէ ինքն իր կամբովը դէպ ի մահ կը դիմէր: Նորէն Պիղատոսին առջև հանեցին: Դատապարտութիւնը կ'ուշանար և ևս կը վախենայի թէ մի փուցէ անակընկալ մի դէպք պատահի և մեր գործը փճանայ: Եւ յիշաւ դժբաղդ դէպք մը պատահեցաւ, կուսակալին կինը արդէն լսած էր Յիսուսը. այդ պահուն անձամբ տեսնելով նորա շնորհալի դէմքը և անմեղութիւնը լսած ըլլալով, Պիղատոսին յայտնեց

թէ. «Չըլլայ թէ այդ արդարին արլունը մտնես, դի երազներ, տեսիլքներ տեսած է»: Իր կնոջ խօսքերէն նորէն թուլացաւ կուսակալը: Արձակելու վտանգ կար. առանց ժամանակ անցունելու, խնայն մեր իշխաններուն, դորապետներուն և ամենէն ճարպիկ պոչաւորներուն հրահանգ տուի և ուղարկեցի. անոնք թելադրեցին հրէաները, որ սկսան ազդակել. «Եթէ զայդ արձակես, կայսեր բարեկամը չես»: Մի ևնոյն ժամանակ ես ալ մտայ Պիղատոսին սիրտը, որոյ մէկ անկիւնը նստած էր նորա հիւանդոտ, նիհար խիղճը, ձեռքերովս խղճին բերանը փակեցի. դարձեալ չեղաւ, խիղճը խղզուկ ձայներ կը հանէր, կը ճուար ու կուլար: Պիղատոս կը վարանէր: Ելայ խղճին բերնին վրայ նստայ. այնպէս որ շունչը քթէն կ'առնէր և ալ չէր կրնար ձայն հանել: Ես սկսայ խօսել:

— Բո ինչո՞ն պէտք է, Պիղատոս, ժողովուրդին կանթը կատարէ և տեղդ նստէ հանդիստ:

— Հապա կնոջս տեսած երանգը:

— Այն կին է. փափուկ սիրտ ունի. այն ինչ դիտէ օրէնքն ու պիտութեան շահը, դուն անոր մի լսեր:

— Արդեօք. չոովմէացուց շահը չի պահանջեր որ արգարք պաշտպանեմ:

— 2է, արդարութեան խնդիրը այստեղ երկրորդական է. հռովմէական շահը կը պահանջէ որ ժողովուրդը խաղաղի. խռովութիւն չենէ:

— Նրեայք ինչ կընան ընել:

— Չես լսեր որ կ'աղաղակեն թէ՛ «Եթէ զայդ արձակես, կայսեր բարեկամը չես»:

— Լաւ, չեմ ուզեր որ զիս ամբաստանեն, բայց ո՞ր օրէնքով մահուան դատապարտեմ:

— Ինքզինք հրէից թագաւոր կը կոչէ, խռովարար է կ'ըսեն, այդ բաւական է. բայց անմեղ է եղեր թէ մեղաւոր, քո ինչ գործն է. չէ որ դուն արդարութիւնը պաշտպանեցիր և ըսիր թէ «Դա անմեղ է, արձակեմ», երբ իրեն ազգակիցները մեղաւոր կը համարին, մեղքը իրենց շըլինքը:

«Վերջապէս համոզեցի կուսակալը, և նա Յիսուսը խաչը հանելու դատավճիռը տուաւ: Զինուորները անարգեցին ծաղրեցին գոյն և հրէից յանձնեցին: Ա՛հ, որչափ որ կ'անարգէին և կը ծեծէին գոյն, մենք այնչափ կը հրճուէինք»:

«Յաղթութիւնը մերն էր թէև, բայց չը հեռացայ կուսակալին սրտէն, մինչև որ տարին խաչեցին Օծեալը: Վայրկենէ ի վայրկեան լուր կը ստանայի, երբ վերջին լրատուն եկաւ և աւետեց թէ հողին աւանդեց Յիսուսը, դուրս ելայ Պիղատոսին սրտէն և վազեցի ի Գողգոթայ: Անդ

տեսայ Յիսուսը, որ երկու խաչուած աւազակներու մէջտեղ ի խաչ բարձրացած, ձեռներէն ու ոտներէն արիւն կը հոսէին: Ամեն վիշտ և տառապանք գորս կըած էր նա, կ'երևէր իր թախծայի դէմքէն: Ա՛հ, նորա թափած ամեն մի կաթիլ արիւն՝ յորդառատ գետակի մը պէս՝ կը շիջուցանէր վրէժխնդրական, բորբոքեալ հուրը իմ տոչորեալ սրտին և կը զովացուցանէր:

«Վերջին պահուն, կ'ըսէին, իր հօրը կանչած և աւանդած է իր հողին: Գնա՛, գնա՛, կ'ըսէի ինքնին. քո տարօրինակ վարդապետութիւն տակաւին խոր արմատ չը ձգած, գնա՛ քու երկնային հօրը մօտ և անդ վարէ քո թագաւորութիւն: Ի՞նչ ինչ ունիս այս աշխարհի մէջ, դա մերն է»:

«Երկար ժամանակ խաչին հանդէպ կանդոնած, կը դիտէի անոր թշուառ վիճակը և սիրտս ուրախութեամբ կը լցուէր»:

«Ահա Մեսիան, ահա ձեր Փրկիչը, որ պիտի փրկէր մարդկութիւնը. ինքզինք իսկ չի կրցաւ փրկել, և այսպիսի խեղճ վախճան մը ունեցաւ»:

Գծոխոց մեծ իշխանին երգիծաբանական դառն խօսքերուն չի կարացի համբերել այլ ևս. «Ներեցէք, մեծ իշխան, ըսի. ինչ ունէիք այդ մարդուն հետ. որ գոյն մինչ ի խաչ բարձրացուցիք, որչափ որ գիտենք, նա բոլորովին անմեղ էր»:

«Այո, նա արդար էր. աշխարհի մարդոց մէջ մինչև ցայսօր երբէք տեսած չենք այնպիսի մարդ մը, որ անոր չափ ազնիւ և մաքուր, անոր չափ ճշմարտասէր, և անոր չափ գթած և իմաստուն լինի: Մենք այդ գիտենք. այսու հանդերձ մենք ատելով կ'ատենք զայն. վասն զի ինչպէս ըսի առաջ, նա էր երկնային պատերազմին մէջ մեզ յաղթողը ու այստեղ թօթափողը. և ինչպէս քիչ վերջը պիտի պատմեմ, նա էր որ մեր արգարոց բանտը կործանեց. չը գիտես թէ նա ո՞րչափ չարիք հասցուց դժոխայնոցս: Լսէ, շարունակեմ իմ պատմութիւն:

«Բէէնդգեբուղը և միւս իշխաններն ևս իրենց պաշտօնները աւարտած լինելով, հետզհետէ եկին բոլորեցան իմ շուրջ և խնդակցութիւններն կը յայտնէին:

«Երեկոյեան պահուն խաչէն վար առին Յիսուսը և գերեզմանի մը մէջ թաղեցին:

«Հրէաները պահապան զինուորները զրին, որպէս զի չըլլայ թէ աշակերտները գողանան: Ես ևս յիշելով այն խօսքերը թէ երեք օրէն յարութիւն պիտի առնէ և դժոխքը իջնէ արգարները փրկելու, կանչեցի իմ ճարպիկ գնդապետներէն մին, որ իր գնդովը միասին մինչ երեք օր հսկէ գերեզմանին շուրջը և ամեն վայրկեան տեղեկութիւններ տայ ինձ: Եթէ, ըսի, ո՞ր և իցէ

շարժում մը կամ յարութիւն առնելու փորձ մը ընէ, իսկոյն իմացուցէք միւս պահապաններուն և ինձ. մի թողուք որ տեղէն շարժի, կապեցէք, կաշկանդեցէք նորա թևերն ու ոտները:

«Այ գործ մը չունէինք աշխարհի մէջ, ժողովեցի իմ իշխանները, զօրապետներն ու զինուորները և իջանք դժոխքը: Այստեղ արդէն իմացած ըլլալով մեր փառաւոր յաղթութիւնը, հանդէսներ, ուրախութիւններ կը կատարէին:

«Ես անմիջապէս գործի սկսայ, նախ դժոխոց վերին դուռները երկաթեայ անխորտակելի նիզերով ամրացուցի. երկրորդ, հեռաձայնով (թելեֆօն) ի գէն կոչեցի դիւային բոլոր գունդերը և դժոխոց դրան առջև և բանտին շուրջը մէյմէկ գունդ պահապան կարգեցի՝ կազմ ու պատրաստ ամեն յարձակմանց և ամեն պատահականութեանց դէմ. յատկապէս պատուիրելով որ եթէ Յիսուսը գայ, ջանան զայն ձերբակալել. չօրրօրդ, այն ուրախալի ուրբաթ օրը երբ Օծեալը ի խաչ բարձրացաւ և հոգին աւանդեց, ուրախութեան տօնի օր սահմանեցի:

«Այս գգուշական միջոցները ձեռք առնելէ յետոյ, ժողովեցի իշխանները այս սրահին մէջ և իւրաքանչիւրը սկսաւ իր գործերը պատմել: Ամեն ժամանակ հեռագրեր կը ստանայինք գերեզմանին պահապաններէն թէ՛ «ոչինչ դէպք», ոչինչ

փոփոխութիւն»։ Անցաւ ուրբաթի, անցաւ հետեակ օրն ալ։

«Երբորդ օրը արշալուսէն անաջ ժողովուած էինք։ Իշխանները երբեմն լուրջ խորհրդակցութիւններ և երբեմն գուարճախօսութիւններ կը նէին. օրինակ՝ Բեկիար — Մամմոն իշխան, դուն ո՞ր էիր այն միջոցին։

Մամմոն — Դուք մինչ զբաղեալ էիք Պիղատոսով, քահանայապետներով ու ամբօխով, ես՝ ամեն կողմ վազելով՝ նազովրեցւոյն զրամարկոյր կը բնտռէի, բայց չի գտայ. կ'երևի թէ Յուդան տարած է։

Բեկ. — Դ՛օ, ինչ կար այն դատարկ սնտուկին մէջ։

Մամ. — Մի քանի մանր ոսկիներ ալ չը կային, կ'առնէի և իմ գանձարանները կը տանէի։

Մողոր — Դ՛օ, Մամմոն իշխան, եթէ այդ ոսկիներն ու գանձարաններն ալ չունենայիր, մի կոպէկ չէիր արժէք։

Մամ. — Դուք որ գանձ չունիք, միթէ բան մը չէք արժէք։

Մող. — Մենք առանց գանձու ալ իշխան ենք։

Մամ. — Առանց ոսկիի ալ կարելի է իշխան ըլլալ, բայց գանձ ունեցող իշխանը ա-

ւելի զօրաւոր կ'ըլլայ։ Ես եթէ դժոխոց շահը ի նկատի չունենայի, և եթէ կամենայի ու կարևոր անձանց առատօրէն ոսկիներ տայի, դուցէ ն սգովրեցին ազատէի մահուանէ։

Քէեղզե. — Բայց նա ինքզինքը չէր պաշտպանէր. կարծես թէ կամաւ ի խաչ կը դիմէր. արդեօք ինչ էր նպատակը։

«Այս վերջին խօսք նորոգեց իմ մտահոգութիւն, կասկածն ու տխրութիւնը. «Ա՛հ, ըսի, այսօր ալ անցնէր»։ Քէեղզեբուզը նոյնը կը կրկնէր։ Դեռ այս խօսքերը մեր բերանն էր, և անստակալի դրդելն մը սկսաւ. սարսեցաւ, սասանեցաւ բովանդակ դժօխքը, և իշխանները հետզհետէ ուշաթափ յերկիր գլորեցան, ես մնացել էի միայնակ. հասկացայ որ Օծեալն է եկեր է.

«Ձէնքի դիմեցէք, զինուորներ, պատերազմեցէք, ձերբակալեցէք», կ'ազդողակէի, բայց ես ևս տերևի պէս կը դողայի, կը սարսուայի։ Ա՛հ, ինչ սարսափելի վայրկեաններ. կը լսէի երկաթեայ դուռներուն խօրատիւմը, պարիսպներուն փլչիլը և շէնքերուն քանդուիլը, բայց թուլացած տկարացած էի. բան մը չէի կարող ընել։ Ահաբեկ կըսպասէի լմէ՝ անա ամբողջ դժօխքը պիտի կործանի և մենք ամենքս ալ նորա վլատակաց ներքև պիտի թաղուինք։ Մէկ վայրկեան գալը,

մէկ վայրկեան արդարները ազատելը և մէկ վայրկեան վերադարձը, ընդամենը երեք վայրկեան տևեց երկրաշարժը և դադարեցաւ. շունչ առի և ձայն տուի իշխաններուն, որոնք սթափեցան և հասկացան տխրալի իրողութիւնը: Ըստ չանցած՝ գերեզմանին և այլ պահապանները հետզհետէ եկին, ժողովին ներկայացան և իւրաքանչիւրը իր տեսածը պատմեց: Առաջինները կ'ըսէին թէ՛ «Մենք կը հսկէինք անդադար. այս առաւօտ երկրաշարժ մը եղաւ և յանկարծ նա վեր ելաւ գերեզմանէն, և իբրև դրօշակ, իր խաչը ուսը առած էր. հրեշտակներ կը սպասաւորէին անոր: Հրէից պահապանները իրենց վախէն մեռածի պէս նուաղեցան. իսկ մենք վախնալով՝ շարժիլ, խօսիլ անգամ չը կարողացանք: Նա դնաց. իր հօրը մօտ թէ դժոխքը եկաւ, — չը գիտենք: Եւ ասա մենք փութացինք եկինք որ եղելութիւնը պատմենք Ձեր մեծութեան»: Դժոխքի դուռներուն պահապաններն ալ կ'ըսէին թէ՛ «Նա այնպիսի արեղ զօրութեամբ, մըրկի մը պէս եկաւ, որ դռները ինքնին բացուեցան»: Իսկ ընտրելոց բանտին պահապանները կը պատմէին թէ՛ «Նորա զօրութեան առջև բանտին պարիսպները հալեցան, կործանեցան. դուռները անազին շառաչմամբ խորտակեցան և մենք գիտապաստ ընկանք նուաղեցանք, մեզմէ ոմանք միայն տե-

սած էին թէ՛ երբ ընտրեալները դուրս հանած է, խաչին ծայրովը դպած է բանտին որմերուն, և այդ անազին շէնքը մէկ վայրկեանի մէջ հիմնալատակ քանդուած է»: Ա՛հ, ինչ ըսեմ իմ ապիկար պահապան-զինուորներուն, եթէ յաջողէին Յիսուսը գերի բռնել, այս դէպք դժոխային տարեզրութեանց մէջ ոսկեզօծ տառերով պիտի արձանագրուէր և մեր յաւերժական պարծանքը պիտի ըլլար: Բայց չի պատժեցի, մինչև իսկ չը յանդիմանեցի զանոնք, քանի որ իմ հօր իշխաններն անգամ, սակաւ ինչ ես ևս ծանօթ վիճակն ստացանք»:

«Երբ այդ հարցաքննութիւնը լրացաւ, սուսի օր սահմանեցի այդ օրը: Ես և միւս իշխանները խմբովին ելանք շրջադայեցանք բոլոր դժոխքը: Մեր իշխանական պալատն ու ապարանքները թէ և խախտուած էին, բայց վտանգաւոր չէր. իսկ ընտրելոց բանտը աւերակ մը էր դարձել: Տանջարաններն ալ քննեցինք. ո՛չ շէնքը վնասուած և ո՛չ ալ յանցաւոր մը պակսած էր:

«Յաջորդ առաւօտուն դարձեալ արտասովոր ժողովի կանչեցի իշխանները. քաջալերեցի և ըսի թէ՛ նոյն տարուած գերիները, որ սակաւաթիւ են, արդէն մերը չէին: Թէև ցաւալի է որ այսուհետև արդարները այստեղ չը պիտի զրկուին, սակայն կարող ենք մխիթարուիլ խորհելով թէ՛ մնացող

մեղաւորները, փնտր զժոխոց, միւսներէն աւելի շատ են: Մեր հակառակորդը հեռացաւ, զնանց, և անգամ մ' ալ աշխարհի վերջը պիտի գայ պատաստանի համար: Արդ, ըսի, զուք իշխաններդ և համայն սանդարամետականք պէտք է որ ձեր պաշտօնին գլուխն անցնիք և ամենայն ժրութեամբ շարունակէք: Իշխանները հաւանութիւն տալով մեկնեցան:

«Այդ միջոցին լուր առինք աշխարհէն թէ՛ մեր թշնամին զեռ վերջնապէս գնացած չէ եղեր իր հօրը քով: Բանտէն արդարները ազատելէ յետոյ, նախ մէկ-երկու կանանց, ի վերջոյ քանիցս իր աշակերտներուն երեցած է:

«Նա քառասուն օր երկրի վրայ մնալէն յետոյ երկիրը համբարձաւ: Գնահ, զնահ ըսինք. բաւական է քու հասուցած շարիքը մեզի:

«Ռիտնս, ինչ պաշտօն տուած է այդ տասն և մէկ աշակերտներուն. «Գնացէք, բոլոր ազգերը աշակերտեցէք, մկրտեցէք զանոնք, ինչ որ սովորեցուցի ձեզ, անոնց ալ սովորեցուցէք» և այլն: Զարմանալի չէ՞ նորա այս պատուէրը. այն մարդիկը, որ հրէաներէն զախնալով սենեկին դուռը փակած կը նստէին, անոնք պիտի զնային ու աշակերտէին հեթանոս ազգերը: Այն ձկնորսները իրենք ինչ զիտէին որ ուրիշներուն ալ սովորեցունեն:

«Մենք հետաքրքրութեամբ կը զիտէինք այդ խեղճ, անպաշտպան աշակերտները, թէ ասոնք ինչ պիտի ընեն. բայց տեսանք որ շարժում մը, փոփոխութիւն մը չը կայ. այլ միայն ժողովուրդ ու աղօթք լնել: Ալ ինչ կընային ընել:

«Ճիշդ տասն օրեր անցել էին. երբ սնոնք միասին ժողովուրդ էին, ահա երկնքէն սաստկաշունչ հովի պէս լեզուի շնորհք մը տրուեցաւ անոնց, ըսին թէ ս. հոգիէն է. և այդ մարդիկը, որ մի ժամ առաջ ուղիղ խօսիլ անգամ չը գիտէին, մէյմէկ լեզուագէտ հռետորներ դարձան և հազարաւորներ իրենց կրօնին համոզեցին:

«Իարձեալ ժողով, դարձեալ խորհրդակցութիւն րրինք և վճռեցինք, որ այդ առաքեալ ըսուածները և անոնց աշակերտները ո՛ր որ ալ ըլլան, անոնց դէմ սաստիկ հալածանքներ հանել տանք:

«Անոնք հետզհետէ զօրացան և եկեղեցիներ կազմեցին: Պօղոս ըսուած մարդ մ' ալ, որ առաջ մեր կողմանէ կը հալածէր զանոնք, նա ալ վերջապէս նազովընցւոյն ուռկանը ընկաւ և մերկատաղի հակառակորդը դարձաւ:

«Քրիստոնէական կրօնը տարածուած էր Հայաստանի, Յունաստանի և հռովմէական կայսրութեան զանազան երկիրներուն մէջ: Այս դրժբաղղութեանց հանդէպ մենք սակայն վհատած

չէինք: Ամեն երկրի հողերը և մարմնաւոր իշխանութեանց փառասիրական ոգին ու ժողովրդեան մոլեռանդութիւնը կը գրգռէինք:

«Բայց զարմանալի էր սկզբի երեք չորս դարերուն մէջ քրիստոնէից միութիւնն ու անոնց ցոյց տուած յամառ ընդդիմութիւնը: Մենք որչափ որ հալածոււմը կը սաստկացունէինք, անոնք ալ յօժարամիտ կը նահատակուէին, կը տանջուէին և կը տարածէին իրենց հաւատքը:

«Մենք կը մխիթարուէինք ասով թէ՛ որչափ որ նազովրեցւոյն հետևողները կը բազմանան, չկայ անոնց մէջ թագաւոր մի, չկայ ազգ մը որ ամբողջովին դարձած, քրիստոնէութիւնը ընդունած ըլլայ, բայց անա այդ դժբաղդութիւնն ալ պատահեցաւ: Իրտէք անշուշտ թէ՛ ձեր Տրդատ թագաւորին օրով, Իրիգոր անուն վարդապետի մը համոզումներովը, Տրդատը, նախարարները և բովանդակ հայաստանը քրիստոնէութիւնն ընդունեց: Ա՛հ, աղետալի ժամանակներ, կործանեցին Աշտիշատի, Արմաւիրի, Երիզի, և այլ տեղեաց մէջ մեր ունեցած հոյակապ մահահանները և անոնց տեղ Յիսուսի խաչը կանգնեցուցին: Ինչպէս ի վերև պատմեցի, ևս տեսած եմ այն փայտը, ուր ձեր փրկիչը խաչուեցաւ. ինչ էր այն, — բայց եթէ անարդանաց քառաթև գործի մը:

«Չը մոռնամ աստ յիշել թէ՛ ճիշտ Տրդատի

դարձին միջոցներուն աւելի մեծ դժբաղդութիւն մը ևս պատահեցաւ. զի հռովմայ կայսրը, Կոստանդիանոսն ևս հաւատաց իրաչեցեալ նազովրեցւոյն:

Դժոխոց իշխանը այս միջոցին դարձեալ բարկացաւ և կանգնելով ոտքը գետինը զարկաւ և ըսաւ:

«Հասարակ ժողովուրդը դիցուք տգէտ է. բայց ինչ ըսեմ այն թագաւորներուն, իշխաններուն և ազնուականներուն, որոնք կը զիջանին հետևողներ ըլլալ Յիսուսին: Սա ինչ կը պատուիրէ. — սէր առ մարդիկ, խոնարհամտութիւն, ճշմարտութիւն, մարբութիւն, գթութիւն և այլն: Միթէ կը վայլէ իշխաններու, որ այս պատուէրները կատարեն. — գոնէ ես չեմ կրնար:

Չարունակներ մեր պատմութիւնը. ըսաւ Սաղայէլ, և իր տեղը բազմեցաւ և ըսաւ:

«Եղածն եղած էր. այդ ատելի կրօնը տակաւ առ տակաւ տարածուեցաւ բովանդակ Եւրոպայի մէջ. և ասիական մի քանի ազգեր ալ հետզհետէ ընդունեցին:

«Ընդհանրական ժողովներ կ'ընէին և վճիռներ, կանոններ կը սահմանէին: Կրկնապատկեցինք մեր ջանքեր. չորրորդ ժողովին ժամանակը հայերը և յետոյ արևելեան և արևմտեան եկեղեցիները բաժանուեցան: Սկսաւ հակառակութիւնն

ու ատելութիւնը միմեանց դէմ, որ կը տեղէ մինչև ցայսօր: Ի՞նչ բարեբաղդութիւն և ի՞նչ յաջողութիւն: Այդ օրն ալ ուրախութեան օրերու կարգն անցուցի:

«Այս առթիւ յայտնեմ քեզ, թէ մենք ունինք մեր սղոյ և ուրախութեան օրերը: Սղոյ օրերն են՝ 1. մեր երկինքէն այստեղ իջած օրը. 2-րդ. Յիսուսի ծնունդը. 3-րդ. Յարութիւնը և գերիներուն ազատութիւնը: Իսկ ուրախութեան օրերն են՝ 1. ձեր նախածնողները խաբելուս. 2-րդ. Յիսուսի խաչելութեան, 3-րդ. քրիստոնեայ եկեղեցեաց բաժանման օրերը. Բայց այս հանդիսաւոր օրերը քրիստոնէական կրօնի մասին է միայն. ուրիշ կրօններու վերաբերեալ տօնի օրերը զատ են:

«Չարունակեմ իմ պատմութիւն: Եկեղեցիներուն բաժանումէն յետոյ, հազար տարի և աւելի ևս մերթ հերիտիկոսներ երևան կ'ենէին և բանադրանքներ, նղովներ ու հալածանքներ տեղի կ'ունենային: Արեւմտեան եկեղեցիէն ոմանք կ'ուզէին տիրել մարդոց մտքին ու խղճին վրայ, ուրեք ուրեք հաւատաքննութեան ատենաներ կազմուեցան և բազումք զանազան տանջանաց ու մահուան դատապարտեցան: Մեր ուզածն ալ այդ էր:

«Վերջապէս դեռ չորս դար առաջ, Եւրոպայի

մէջ բարեկարգիչ ըստած հոգևորականն ու իր հետեողները երևան ելան. բողոքեցին զեղծ հոգևորականաց դէմ, զատուեցան անոնցմէ և նոր կանոններով առանձին եկեղեցի կազմեցին: Ասոնց մէջ ևս հետզհետէ անհամաձայնութիւններ ու բաժանումներ տեղի ունեցան, որը ձեռնտու էին մեզ, սակայն միւս կողմանէ, զժբազդտբար, տկարանալ սկսած էր կրօնամոլութիւնը, որ հալածանքներ կազմելու համար մեր կարևոր գործիներէն մին է,

«Եւրոպական միտքը վերջին դարերուն մէջ տակաւ առ տակաւ զարթնուլ սկսաւ, ուսումնարաններ ու համալսարաններ բացուեցան և գիտութիւնը տարածուեցաւ ամեն կողմ:

«Այս լուսաւորութիւնը թէ և աննպաստ էր մեզ համար, սակայն իր նպաստաւոր կողմն ալ ունեցաւ. զի մարդիկ որ կրօնի ծառն ալ, ճիւղերն ալ կը պաշտէին, անոնց ուսեալ զաւակունք այդ ծառն ալ ճիւղերն ալ բոլորովին ի բաց մերժեցին: Եւ անոնք երբ այդ ծառը արմատախիլ կ'ընէին, նորա ճիւղերուն փարած խղճի տունկն ևս միասին դուրս եկաւ իրենց սրտերէն, և սոյն բարբրուտ, խոպան մնացած պարտիզին մէջ, բուսաւ շահամոլութեան դժնիկը և այլ անպիտան մացառներ»:

Այո՛, կան տակաւին մարդիկ, որ կեղևէն ա-

ւելի էականին, Յիսուսին կը հաւատան, բայց, բարեբաղդաբար, այսպիսեաց թիւը նուազ է:

«Ահա այս է մեր համառօտ պատմութիւնը, գոր քո խնդրանաց համեմատ կատարեցի: Եւ դու ո՞վ մահկանացու, կարծեմ բաւական ծանօթացար դժոխքի պատմութեան և մեր գործունէութեան, ըսէ նայինք, ունի՞ք այլ հարցում մը»:

Ես դեռ չը պատասխանած, սենեկապետ մը ներս մտաւ և իշխանապետին մօտը գնալով բան մը խօսեցաւ. գունատեցաւ Սաղայէլ և «Թող ներկայանայ» ըսաւ:

Մ Ի Զ Ա Դ Է Պ Մ Ը

Անհատական սատանայ մը էր որ ներկայացաւ Սաղայէլին և գլուխը խոնարհեցունելով հրաման ստացաւ և սկսաւ պատմել:

«Քրիստոնէական կրօնին պատկանող մի մարդ իմ ջանքերովը զանազան յանցանքներու մէջ ընկղմած էր: Նորա անձնական հրեշտակին տետրակին մէջ այդ մարդուն հաշիւը շատ նուազ կը մնար. և լիայոյս էի թէ այս մարդը դժոխք բերելը ժամանակի խնդիր է, բայց վերջին ա-

միսներուն մէջ իր առևտուրներէն և գործերէն դատելով, դէպի հակառակը, հրեշտակին կողմը դառնալ սկսած է. տրտում, տխուր կը մտածէր ու կ'արտասուէր. ես կը կարծէի թէ աշխարհէն չէր ուզէր բաժնուիլ, անոր համար է. բայց քիչ յետոյ հիւանդացաւ և սկսաւ բարձրաձայն իր զղջումը յայտնել: Վերջին օրը և վերջին ժամուն տեսայ որ վտանգ կայ մեր գործին. մօտը գնացի որ յորդորեմ, համոզեմ զայն, բայց նա «Չեմ ուզեր, չեմ ուզեր» ըսաւ. Խելքը գլուխն էր, բայց ականջները շատ տկարացած էին: Առիթէն օգուտ քաղել ուզելով՝ հետևեալ հնարքին դիմեցի. մօտեցայ և ձեռքովս զիս ցոյց տալով հարցուցի. «Հրեշտակը կ'ուզես» նա կարծելով թէ ինձ հահամար է կ'ըսեմ, սկսաւ զարձեալ «Չեմ ուզեր» ըսել: Յետոյ ձեռքովս հրեշտակը ցոյց տալով հարցուցի. «Զիս կ'ուզես», նա կարծելով թէ հրեշտակին համար կ'ըսեմ. «Այո, կ'ուզեմ, կը սիրեմ» պատասխանեց: Չփոթեցաւ հրեշտակը և սկսաւ բողբոջել թէ «Խաղախութիւն եղաւ»: Յիւանդը հողեարք ընկաւ, և վերջին խօսքը եղաւ. «Ներէ, տէր»: Գաբրիէլը եկաւ և հիւանդը իր վերջին շունչը փչեց: Հրեշտակապետը մինչ նորա հաշիւները տեսնելով տրտմած նստած էր, և զղջման մասին հրեշտակին տուած բացատրու-



Թիւնները կը լսէր, մենք փութացինք, ձերբակալեցինք այդ հողին և հրաւիրեցանք ղէպի դժոխքը: Նա չէր ուզէր գալ, սկսանք քարշելով տանել: Զղջացեալը աղիողսրմ ձայնով կը կանչէր Փաբրիէլին. «Ինչո՞ւ զիս կը թողուք, ես զղջացած եմ»: Մինչև այն ատեն հրեշտակապետը իմացած ըլլալով իրողութիւնը, նժարին բարիի կողմը դրաւ զղջումը, և տեսնելով որ շատ ծանր կը կշռէ չարութեան կողմէն, շուտով խումբ մը երկնային զօրք առած՝ եկաւ հասաւ մեզի: Ես դեռ կայարանի պահականոցը չի մտած՝ նա զբաւեց անոր մոտքը: Մերայինք իմանալով գործը, դժոխքի ճանապարհով մօտակայ կայարանին իմացուցին: Խումբ մը պահապան զինուոր ալ մեզի օգնութեան եկաւ, և դէմ առ դէմ կանգնեցանք: Հրեշտակապետը գոչեց ինձի դիմացէն:

— Թշուառական, ինչպէս կը յանդգնիս զղջացեալ հաւատացեալ մի այստեղ բերել:

— Տարիներէ ի վեր այն մեր հպատակն է:

— Զը գիտես որ վերջին ամիսները զղջացած և մեր կողմը դարձած էր:

— Բայց ապաշխարած չէր:

— Դ՞ո՞ք, քո ինչ գործն է անոր ապաշխարանքը, շան որդի:

— Վերջին ըոպէին հարցայ, զիս կնկէր:

— Խարգախութիւն ես արել, չնայա արտասուքը, հապա միւս խօսքերը:

— Կը գառանցէր:

— Գիտես որ գառանցանք չէ. խնայախ, խնայախ, արձակէ այդ հողին. անիծեալ:


— Զէ կարելի մեր ձեռքը անցածը թողու:

«Այսպէս բաւական վիճեցանք. մերայինք ևս սկսան վիճել: Անոնք իրենց երկնային տիրոջ յայտնած էին թէ այս մարդ որչափ ալ կատարելապէս զղջացած՝ բայց ժամանակ ունեցած չէր ապաշխարելու. հրաման եկած է ըսին թէ՝ «Յիշեցէք աջակողման աւազակը, որ միայն զղջամբ փրկուեցաւ. արդարութիւնը պաշտպանեցէք, զղջացեալը ազատեցէք»: Որովհետեւ անոնք իրենց տիրոջմէն հրահանգ ստացան, ես ևս առաջարկեցի մի քիչ սպասել, և փութացի, եկի այստեղ. որպէս զի Ձեր մեծութեան հրամանն ստանամ. պատերազմինք երկնայնոց հետ թէ գերին վերադարձունենք իրենց»:

Սաղայէլը բարկութեամբ գոռաց. «Ինչ կ'արժէ այնպիսի փոփոխամիտ մարդ մը, որ տարիներով ինձի հպատակելէն յետոյ, վերջին օրերը յանկարծ զղջում կը յայտնէ: Ժամանակ չը կայ ժողովի. գնացէք միայն իշխան Բէեզզեբուզին իմացուցէք որ շուտով գայ. հեռաձայնով (թելեֆօն) իմաց տուին իշխանին, որ մի ըոպէ

յետոյ եկաւ և սկսան խորհրդակցութեան: «Թէ և վստահ եմ, կ'ըսէր մեծ իշխանը, թէ այդ երկնային զօրաց խումբը կրնանք ցրուել, բայց այդ մարդը բերենք ուր դնենք. արդարոց բանտը քանդուած է բոլորովին, և իբրև զզջացող իրաւունք չի կայ տանջանարաններուն յանձնել զայն. ըսենք թէ առանց իրաւունք նայելու, պատժաբանք նետենք, բայց ո՞վ գիտէ. գուցէ այս պատճառաւ Օծեալը նորէն դայ, քանզի պատժարաններն ալ»: 2է, չարժեր, մեծազօր իշխան, ըսաւ Բէնդգեբուզ: Այո՛, չարժեր. ըսաւ իշխանապետն ևս, և հրամայեց պահապանին թէ՛ «Ջուտով վերադարձիր և արձակեցէք այդ անսխտանը, այդ ապուշը»:

Սնձնական դժբաղդ սատանան դառնալով իբր տեղը, իշխանապետին հրամանը իւրայնոց հազորդած և արձակած է զզջացեալը ըսելով. «Մեր տէրը ձեզի շնորհեց այս զերին»: Գարբիէլ ձեռքին սուրը շողացնելով ըստժ է. «Ո՛չ թէ ձեր տիրոջ շնորհն է, այլ սորա շնորհն է»: Եւ ազատուած հողին առնելով ուրախութեամբ ու ցընուութեամբ վերադարձած են երկիրըր:



7.

ՉԱՐ. ԵՒ ՎԵՐՋ. ԴԺՈՒՈՑ ՊԱՏՄՈՒԹԵԱՆ

Միջադէպին խորհրդակցութեան ժամանակ ես և երկու առաջնորդներս սենեկին մի հեռաւոր անկիւնը քաշուած էինք: «Առաջ եկէք», ըսաւ իշխանապետը, և մանք մեր նախկին տեղը դնացինք:

«Տեսնո՞ւք, ըսաւ Սաղայէլ, թէ մենք ալ երբեմն արդարութիւնը կը սիրենք. դժոխքին դուռը հասած մարդուն թոյլ կուտանք երկինք զնալ: Ես որ այնչափ դուռդ և ամբարտաւան էր, ամօթ չէր համարէր սուտ խօսել. զի յայտնի բան էր թէ զզջացեալ անձը արձակելուն պատճառը ո՛չ թէ արդարասիրութիւնն էր, այլ երկնային թաղաւորին երկիւղն էր: Բայց չէի կրնար իբր սուտը երեսին զարնել. միայն այսչափ մը ըսի թէ՛ «ի հարկէ, ապագայի հեռատեսութիւնն ալ մեծ տեղ կը բռնէ ձեր արդարասիրութեան զզայման մէջ», և յաւելցուցի «Ինչդրեմ, մեծ իշխան, շարունակեցէք ձեր պատմութիւնը»:

— Պատմութիւնը լրացած է. ունիք այլ հարցում մը:

— Նախ պիտի հարցունէի թէ՛ այդ պատմութիւնը գոր ըրիք, քրիստոնէից մասին էր միայն. արդեօք ուրիշ կրօններու վերաբերեալ ազգերուն հետ ինչպէս է ձեր պատմութիւն:

— Ամեն ազգի և կրօնի համար ալ զժոխքը իր պատմութիւնն ունի, և ձեր արարիչը իւրաքանչիւրին կրօնին և ընդհանուր օրէնքին համեմատ կը դատէ. բայց պէտք է ըսել թէ ամենուն վճիռներն ալ, գորս կը կարդանք զժոխք ընդունած ժամանակնիս, արդար են:

— Երկրորդ, մեծ է ձեր գործունէութիւն և ազդեցութիւն. կարելի չէ արդեօք որ մարդկային ազգը ձեր վրէժխնդրութեան առարկայ չընէք:

— Զըլլար, ըսած եմ արդէն:

— Բայց մինչև երբ պիտի տևէ ձեր հակառակութիւն:

— Յ վերջ պիտի տևէ: Հն, կ'ըսեն թէ երկնքի մէջ մեր պակսած թուոյն չափ արդարներ պիտի լեցունէ, և յայնժամ զժոխքը պիտի փակուի. բայց դիտէք թէ մեր թիւ սրչափ շատ է. մենք միլեառներ անգամ միլեառներ և աւելի ենք. և մենք թոյլ կուտանք որ այդ պահանջուած մեծ թիւը լեցուի. միշտ պիտի մոլորեցունենք մարդիկը որ այդ թիւը չի լրանայ:

— Բայց մեր աստեղագէտները կը կարծեն թէ աշխարհը տակաւ առ տակաւ պիտի սառի,

և վերջին մարդը հասարակածի սառնամանեաց մէջ իր վերջին շունչը պիտի փչէ. այն ժամանակ երբ մարդ չի մնայ աշխարհի վրայ, ալ գո՞վ պիտի մոլորեցունէք:

— Նախ, պէտք է դիտնալ թէ՛ դեռ մինչև երկրագնդին սառիլը բիւրաւոր տարիներ ու դարեր կան. մենք մինչև այն ատեն տակաւին միլեառներով մարդիկ պիտի գերենք:

— Բայց վերջապէս պիտի սառի երկիրը, և թերևս մինչ այն ատեն արդարոյ թիւն ալ լրանայ և զժոխքը փակուի:

— Մենք ամեն ջանք ի գործ պիտի դնենք որ այդ թիւը չի լրանայ: Գալով սառելու խընդրոյն, եթէ երկար դարերէ յետոյ այդ հաւանականութիւնը իրականանայ, այն ժամանակ ձեր արարիչը, մարդոց բնակութիւնը կարելի նոր մոլորակի մը մէջ նոր Ադամ-Եւաներ պիտի ստեղծէ, և մենք նոր կերպարանքով ու նոր սուտերով պիտի խաբենք, մոլորեցունենք այդ նորաստեղծ մարդիկն ևս, և պիտի շարունակենք մեր գործը:

— Զէ կարելի, մեծ իշխան, որ ներդրութիւն ստանալով բարձրեալէն այժմէն դադրիք գործելէ:

Ամբարտաւանը՝ դարձեալ զայրոյթ յայտնելով գոռաց:

— Ըսած եմ արդէն և կ'ըսեմ դարձեալ. ևս

չեմ գոչացած իմ ըրածին վրայ, և սերողութիւն ալ չեմ խոյրեր: Միայն կը հաշտուիմ նորա հետ հետեւեալ առաջին կամ երկրորդ պայմանովը: Առաջին, կ'առաջարկեմ, որ ձեր արարիչը մոռանայ անցեալը և մեզ վերստին մեր նախկին հրեշտակային պաշտօնին մէջ հաստատէ: — Հա՛ ինչ կ'ըսես:

— Ինքն տէրը միայն գիտէ:

«Եթէ այս չէ կարելի, երկրորդ, կ'առաջարկեմ որ նա, ինչպէս մեզ հեռացուցած է, նոյնպէս հեռացունէ իր մօտէն մեր հակառակորդները, բոլոր հրեշտակներն ևս, և ինքն, իբրև տէր տիեզերաց, բնութեան օրէնքներուն համեմատ, կ'առավարէ:

«Եթէ բարձրեալը այսպէս կամի և ընդունի, յայնժամ բարույ և չարի գաղափարները թէ և կը շարունակեն մնալ, բայց մենք և հրեշտակները, — իբրև իմանալի գոյացութիւններ — կը գաղթինք գործելէ, կը գաղթինք անոնց ներկայացուցիչը համարուելէ: Բարի մարդիկ յաւէտ կը վայելեն իրենց ներքին հոգեկան հաճոյքն ու երջանկութիւնը. իսկ չարերը կը տանջուին իրենց խիղճերէն ու կը պատժուին իրենց չար գործերէն:

«Յայնժամ կը կազմալուծուին սանգարամետական բոլոր դասակարգութիւնները, կը շիջանի

գեհեանը, կ'աւերին տանջանարանները և կը փակուի դժոխքը:

«Եւ ինչ կը մնայ դժոխքէն ու սատանաներէն բայց միայն անցեալ ու անհետացեալ գաղափարաց յիշատակներ»:

Ունկնդրութիւնը վերջացած էր: Գուրս ելանք դահլիճէն. իմ աբտօնութիւն թէ՛ երբ և կամիմ, թոյլտուութիւն ըլլայ դժոխքը այցելել, վերահաստատեցաւ, և 1896 օգոստ. 26-ին ինձ տրուած հրովարտակը նորոգուեցաւ:

Այն երեկոյին մնացինք այնտեղ և պատրաստուեցանք յաջորդ օրը ուղևորիլ յաշխարհ:

16 դեկտ. 1899 թ

Վ Ե Ր Զ

A decorative border with symmetrical floral and scrollwork patterns, enclosing the text.

ԳԻՆՆ Է 40 Կ.

12842-12843

20.15

